



6  
19-b  
76




6-19-b-76.









DIVUS  
FRANCISCUS  
XAVERIUS,

è  
SOCIETATE



JESU,  
ORIENTIS  
APOSTOLUS,

ORBIS UTRIUSQUE  
THAUMATURGUS,

*Igni:* ELOGIJS *Wlodek*  
illustratus.

*Provincialis  
à Majoris Poloniarum*  
CAROLO LIBERTINO,  
ejusdem Societ: Sacerdote.

CUM LICENTIA SUPERIORUM,



VETERO-PRAGÆ,  
Typis Georgii Czernoch, Anno 1673.





A D  
ILLUSTRISSIMAM  
D. DOMINAM  
FRANCISCAM  
S. R. I. COMITISSAM  
DE SLAWATA,  
NATAM COMITISSAM  
DE MEGGAU,

*Hypothecata Ditionis Freystadianæ*  
GUBERNATRICEM,

*Domûs Tertiæ Probat: Telczensis Soc: JESU:*  
Nec non

ÆDIS XAVERIANÆ OPORZANENSIS  
FUNDATRICEM  
Munificentissimam.



VOTUM AUTHORIS.

Soli naturæ Sponso,  
Sic \* dotem vaporû persolvunt Elementa;  
ut solvisse non pœniteat.

A 2

Nam

\* Ros non est aliud, quàm purus & subtilis vapor,  
resolutus in aquam. Cornel. in cap. 45. Isai. v. 8.

Nam pro tenui hac dote  
genitali rore, Tellus sobolescit in germina;

(a) Mare gemmeo Concharum partu  
gravidum,

pretiosa operitur puerperia.

Quibus coronas suas pro cunis adornant  
Reges,

Et (b) Diademata explicant pro fascijs.

Sic Naturæ Sponsus,

Ex ipsis Elementorum spolijs

Elementa maritat, non viduat.

Ergo dispendia Tuæ in Xaverium  
beneficiæ,

nè time FRANCISCA.

Utriusque Elementi ingenium refers.

Tellus es;

Sed cui Pæstanæ invideant glebæ,


Nam ex te Boëmici gloria Pæsti,

ROSÆ SLAVATINÆ.

Imò par es educandis Regijs Stirpibus;

(c) Nam

(a) Conchas, ubi genitalis anni stimula verit hora,  
pendentes sese, quâdam oscitatione, impleri roscido  
conceptu tradunt, gravidæ postea eniti. Plinius  
lib. 9. cap. 35. (b) Erat fascia purpurea, quæ ca-  
pit circumligabat. vide Cicer. 2. Philip.



\* Nam inter manus Tuas, velut Regales  
areolas,  
Augustissimus Imperij flos LEOPOLDUS  
adolevit. •

Hinc Orbis Christianus in ære tuo est;  
Cujus curâ

Flos Austriaci Sanguinis in culmum  
surrexit,

Novum daturus Augustæ propagini  
stipitem.

Mare es:

quod hauriri potest, non exhauriri.

Inde gemina Munificentiae profluvia;

Alterum publicorum more fluminum,  
palam procurrit in indigos:

alterum per subterraneos occultæ benefi-  
centiae specus,

absque arbitris meat.

at utrumque


ad fontalem originem rediturum cum  
fœnore.

Ab utroque hoc Elemento, Amoris vapores  
traxit

A 3

Sol

\* Fuit Educatrix Augustissimi Caesaris LEOPOLDI I.



Sol Indiarum X A V E R I U S .

Ædes Oporzanensis Divo Tuis Sumptibus  
erecta,

Quotidianæ Tuæ augendis Xaverij splen-  
doribus curæ,

Liber hic, ex asse Tuus,

Amoris vapores sunt,

quos occulto magnetismo Sol ille Indicus  
traxit.

At dispendia nè time.

Damnīs tuis fies ditior.

Nam X A V E R I U S , more Solis,  
Vapores hosce beneficos sublimabit.

Sic rorem dabunt hæc Meteora,

Quo in gemmam Patriæ densetur

F R A N C I S C A .

Hanc sive (a) Hexacontalithon dicas,

Sive (b) Astroiten,

perinde erit.

Nam

(a) Est gemma sexaginta elegantiarum, quod to-  
tidē gemmarum gratiam habeat. vide Isidor. lib. 16.  
Origin. cap. 12. (b) De Astroite gemma solari,  
seu Solis oculo dicta, vide Anselm. Boëtium Ru-  
dolph. II. Gemmarium, lib. 2. de lapidib. & gemm.  
c. 78.

Nam & sparsarum per patrij Gynæcei gem-  
mas virtutum

Syllabus est,

Et Solem Indicum in oculis fert, dum amat;

Et moribus refert,

Dum ut Solem Astroites,

Sic illa X A V E R I U M exprimit.

Zelo, pietate, Religione,

F R A N C I S C A F R A N C I S C U M.

Sed nec Tibi soli rorabit X A V E R I U S;

Vigebunt & Roseæ Stirpes Tuæ,

Matutinis his gemmulis,

Et rorem fugent,

quem Materna Tellus de Cælo traxerit.

Sic & Terra Stirpium Mater, & Nutrix,

acceptum à Cælo imbrem,

in alumnam Sobolem partitur,

Vernabitis percolato hoc imb্রে,

I n m a r c e s c i b i l e s R O S Æ S L A V A T I N Æ,

\* Et lividus Invidiæ oculus,

ad ruinam Vestram,

A 4.

Quon-

\* Anno 1618. 23. Maij, Guil. Com. Slavvata à  
rebellibus ab alto præcipitatur. Jul. Bell. lib. 2.  
Histor. nostri Temp.

Quondam vel inter atros Patriæ turbines  
 oculatus,  
 hoc fulgore præstrictus; exoculabitur.  
 Sed, & ævum feret Rosea hæc propago:  
 Nam eliquata ab Indico hoc Sole gratiarum  
 stillicidia,  
 Spirantibus è Cœlo favonijs permista,  
 perpetuo Rosarum conceptui favebunt.  
 Ita scient Posterì  
 Nunquam in ventos spargi beneficia,  
 \* Nisi in eos,  
 quorum afflatibus sparsa hæc Sementis,  
 repullulet cum fœnore,  
 Auræ Cœlestis Favonios.

Sic vovet

*Minimus in Christo Servus,*

CAROLUS LIBERTINUS

S. J.

BE.

\* Favonius suo afflatu stirpes reviviscere facit, vide  
 Plin. lib. 2. c. 47.



*appellare consueverat. Ergo Pica illius instar, meditabundus hæsitantissæ, suavem Phœnicis huius exprimere tentaturus harmoniam. Nunc igitur rumpo silentium, & crescentem in dies, magis ac magis, famâ prodigiorum, Orbis utriusque Thaumaturgum D. FRANCISCUM XAVERIUM, concinnatis Elogiis cano. Sed quâ voce? Phœnicisne huius Pedemontani æmulâ, an ingrata duntaxat Pica? Tuum erit discernere Lector. Mihi propositum fuit, rari huius Phœnicis suave melos duntaxat imitari. Quod si assequi non licuit præcinentem, nil interest. Nam à vero non aberrat Romani Sapientis Oraculum. \* Nunquam par fit imitator Auctori, & semper citra veritatem est similitudo.*

DI-

\* Seneca Lib. 1. Declamationum.



—§) I. (—§—

*D I V U S*  
**FRANCISCUS**  
**XAVERIUS,**

*e*

**SOCIETATE JESU,**  
**ORIENTIS**  
**APOSTOLUS,**

**E L O G I J S**  
*illustratus.*

**ELO-**

# ELOGIUM I.

IGNATIUS Cœli Miles è Mundi  
Milite.

## METAMORPHOSIS.

**A**Dverte oculos Viator,  
librum aperi:

Editam in lucem, cum IGNATIO,  
leges Metamorphosin.

Oritur in Occidente IGNATIUS,  
primâ loci Metamorphosi;

Phænomenon ortum in Occasu.  
Phosphorum dicas, an Hesperum?  
nil refert.

Utrumque est.

quia utriusque hemisphærij Jubar.

Postremum editur hoc Sidus,  
enatis prius \* septem fraternis Sideribus;  
alterâ Ordinis Metamorphosi,

Mysterion, proteron.

Primum edi debuerat.

Nempe sæcunditatis Maternæ limitem,

IGNATIUM fecit natura,

Quæ

\* Ocho fratres erant, Ignatius ultimo genitus. Ribad.  
vita Ign. lib. I. C. I.

Quæ in tot prolibus effingendis tentatum

Exemplar

tandem absolvit in IGNATIO.

Ita : *Non semper prototypa , ectypis meliora ,*

*Nam sepe virtutem spargit natura in plures ,*

*Cujus Syllabum faciat in uno.*

Ergo emicat generosis ignibus Martiale Jubar ;

Nam Catholici Regis aulam ,

Tum Castra , sequitur IGNATIUS.

Ibi , novam Orbi faciurus Metamorphosin ,

Classicum canit in Gallos :

Quod tandem Echo bellica terminaret ,

SOCIETAS JESU.

Advertis Sacram Metamorphosin ?

Hanc cudere cœpit ,

bellico fulmine prostratus IGNATIUS.

Sacer è profano surrecturus inter fulmina.

\* Cerauniâ nempe gignebat in IGNATIO DEUS

raram Ecclesiæ gemmam ,

inde inter fulmina nascitur.

Sic filius Tonitruï , Boanerges IGNATIUS ,

pretium , splendorem , & lucem ,

accepit ab iâta.

Ergo Pampelonam Galli ,

DEUM laucius occupat IGNATIUS ;

Utri spoliū cesserit opimius ,

Tutè

\* Ceraunia, rara admodum , non alibi invenitur ,  
quàm in loco fulmine iâto. Plin. lib. 37. c. 9.

Tutè arbitrèrè.

Quæritur tamen fallendo tèmpori ,

Opportunus Codex

Sed qui Orbi legendam præbeat Ignatij Me-  
tamorphosin.

Nam uno libato sanctiore codice,

stupendâ vicissitudine,

IGNATIUS à se ipso abit , & redit.

Alium fingit in seipso,

Militem authorat in Milite,

Ducem in Duce format ,

Bella meditatur, bellorum pertæsus,

Sagum exuit , & induit ,

Classicum canit, & filet.

Advertis unius energiam Codicis?

Quid Vaticana egisset Bibliotheca?

Nempe pyrio pulveri sufficit scintilla.

Glaciem nostram nec Ætna succendit.

Petrus subinde Ecclesiæ petra

ægrum vîsit ;

Et ut novam in ægro cudat Metamorphosin ,  
sanat.

Adverte Cœlestis Architecti consilium.

Ecclesiæ Columnam molitur in IGNATIO

DEUS,

Inde basin ei petrinam supponit ,

Tu de hac basi Columnæ vires metire.

Adest & Cœli Regina,

Castam

Castam lufura Metamorphosin  
in IGNATIO.

Nam Ariadnam nunc induta  
è voluptatis Labyrintho Theseum educit.

Nunc in roridam nubem conversa,  
Castas è Cœlo spargit gratiarum nives,

Quæ in IGNATII pectore exceptæ,  
durantur in Cryſtallum,

in (a) patrias Veneri aquas, non abituram:  
Sed & Domus tunc intremittit, à fundamentis  
succussa;

Et bene;

Nam (b) sexaginta elegantiarum gemma est  
Castitas,

Cujus cunæ Terra, laboriosis motibus fatigata,  
Obſtetrix MARIA.

Sic animo, & corpore integer IGNATIUS  
Montem Serratum petit;

ibi ferram reperturus,

Qua à se, ſuiſque, Patria, Fortunis dividatur.

Hinc arma profanæ militiæ,

è Tholo Mariano appendit.

Sumptis è Sacræ Militiæ (c) hoplothea armis,  
Sacco, fune, catenâ, cilicio.

Sic novam daturus Metamorphosin,

à se

(a) *Aqua Patria Veneris. vide Horat. in 4. Carm.  
& Orphen in hymn.* (b) *Vide Iſidor. lib. 16. Ori-  
gin. c. 12.* (c) *Armamentario.*

## 6 D. FRANCISCUS XAVERIUS

---

à se ipso hoste, bella auspicatur.  
Nam Manresana in rupe nactus amphitheatrum,  
Sedente ad Orchestram Cœli Senatu,  
Cruentam in se ipso exhibet Monomachiam.

Hic catenatus, & liber,  
purpuram indutus, & pannos;  
Victus, & Victor,  
triumphans, & triumphatus,  
in summo silentio,  
sonantissimum de se ipso canit Pœna,  
Cœlo Epinicion accinente.

E Manresano specu, in Palæstinam prodit

IGNATIUS;

Hierosolymas visit

Pacem visurus, in *Pacis visione*

Ita *finis belli* Manresani, fit *Pax*.

Hinc redux Tricenarius sub ferulam redit,

Jam Scholasticæ Militiæ Tyro;

Calamum pro ense stringit,

atros fufurum liquores, pro rubeis:

Barcinonis Gymnas, campum præbet,

ubi arte pugnaturus, non Marte,

prima subit Grammaticæ Elementa.

O bellam Metamorphosin!

Nempe eadem est SOCIETATIS JESU,

ac mundi Machinæ compaginatio.

Utraque originem debet *Elementis*.

Hinc variorum decorum *Mixta*.

Nam

Nam rerum maximarum Principia, sunt Elementa.

Ab his ad stadium Philosophicum vertitur Parisios.

Novâ iterum Metamorphosi,  
jam Stadiodromus I G N A T I U S.

Non tamen prius *Cursum* cœpit,  
Quam Compluti, & Salmanticæ Carcere clauderetur.

Inde effusis habenis,  
Philosophicæ Laureæ tenuit *Metam.*

Hac (a) parascève præmissâ literarum,  
arma corripit in Orci perniciem.

Huc novem legit commilitones,  
ipse facturus Decennarium.

Sic è Duce fit Decurio, Centurio futurus,  
tandem (b) Chiliarcha.

Nec decimum excessit numerus Sociorum,  
Ut è X numero sensus armorum patesceret.

atque ita, & Milites legeret,  
Et signatum erigeret Vexillum.

Novem sibi adjunxit;

Ut in novenario (c) Cubum reperiret,  
In quo revolutâ toties sisteret Metamorphosin.

B

ELO-

(a) Apparatus. (b) Qui mille viris præest.

(c) Cubus est in numeris, cum omne latus ejusdem numeri, equaliter in se solvitur ut fit in ter ternis.  
Vide An. Gellium. Noct. Attic. lib. 1. c. 20.

## ELOGIUM II.

SOCIETAS JESU, IGNATIO Authore  
fundatur.

## GENETHLIACON.

**N**ascere fortunata IGNATII proles,  
SOCIETAS JESU!

Dum nostra Tibi Cythara, Genethliacon canit.

Diu parturientis IGNATII uterum pressisti,  
ut prope timeretur abortus.

At diu formatur, tardè nascitur

Victurus Sæcula (a) Elephantus.

Incunabula purpurea nascenti

Instravit Mons Martyrum.

Adverte Regiæ prolis inclytam Profapiam,

Cui Martyrum purpura, primas explicuit  
fascias:

Nec dubita de (b) Chlamyde,

ubi prætextam posuerit.

Nascitur ipso assumptæ in Cælos Virginis die  
Nem-

(a) Decem annis gestare in utero Elephantum  
vulgus existimat; Aristoteles biennio vivere ducen-  
tis annis, & quosdam trecentis. hac Plin. lib. 8. c. 10.

(b) Nota bellicosa Indolis.



Nempe hanc *Lucinam* huic *partui* obstetricari  
oportebat,

Hoc *Sidus*, huic *genesi* exhibere *Horoscopum*.  
Ita Sole signum Virginis percurrente nascitur,  
Eundem sortita cum Augusto (a) Cæsare Ho-  
roscopum.

Inde læta publicæ felicitatis prognostica,  
Christianæ Reipublicæ pax,  
Imperium in Hæreses,  
Et aurea Ecclesiæ sæcula.

De Monte Martyrum,  
ad *Septicollam Urbem* transfertur,  
Minorennis adhuc SOCIETAS:  
Ibi ex IGNATII primogenita, secundogenita  
futura,

Et uno in monte nata  
*Septem in montibus* denuo nascitura.

Adeò brevî aucta hæc Soboles  
ampliores postulavit cunas, ut denuo gigne-  
retur!

Quin & unus Pater, tantæ proli edendæ impar  
(b) Paulum III. Orbis universi Patrem,

B 2

Com-

(a) *Augustum Cæsarem natum Sole signum Vir-*  
*ginis percurrente, sentit Emman. Thesaurus. vide*  
*eundem in Natalitijs pompis Francisci Hyacinthi*  
*Sabaudia Ducis primogeniti, nati Anno 1632.*

(b) *Paulus III. Soc. JESU Institutum confirmat.*  
*Anno 1540.*

Compatrem habuit.

Hoc Parente ,

SOCIETATEM JESU

quam concepit Pampelona ,

Complutum , Barcino , Salmantica , & Parisij  
formavêre ,

tandem plenè , Orbis Caput genuit ROMA ,

( Ita ex potenti hoc Capite ,

nascitur Christianæ Militiæ (a) Pallas ,

Scutum Ecclesiæ porrectura ,

in anguiferæ Hæreseon Medusæ ruinam )

Anno Orbis redempti M. D. XL.

festâ luce DD Cosmæ , & Damiano ,

Cœlestibus Archiatris ;

quî pessimè affecto Orbi terrarum medicinam  
facturi ,

IGNATIUM submisère Æsculapium ;

Qui Vis Theriacæ Apothecam agris aperiret ,  
dum Sacramentorum promptuarium conderet ,

SOCIETATEM JESU.

Sic natam appellavit Pater ,

Mutnato à Marte potius , quàm Apolline  
nomine ;

ipsâ (b) Nomenclaturâ documenta daturam  
Bellicæ Originis.

Nam à bellico Patre bellicos inter fragores nata,  
Belli

(a) Vide Natal. Mytholog lib. 2. c. 1. (b) Socie-  
tas bellicum Nomen , maximè Italæ.

Belli Filia, Belli Mater futura,  
Bellonam ferre debuit in Nomine.

Quo audito, classicum audirent Ecclesiæ hostes.  
Audin' hoc classicum Luthere?

Cane receptui.

Bellicosum hostem nactus es.

Nam SOCIETAS JESU, vix nata, (a) scutis  
excipitur,

IGNATIUS Miles Pater est,

( Aquilæ Columbas non generant )

Nomen ipsum arma Virumque canit;

Cave ne cum (b) Turno hanc Æneida ter-  
mines.

## ELOGIUM III.

SOCIETAS JESU quadruplici classe  
distincta

### AGON.

**H**Uc affuctos profanis theatris oculos  
converte,

Jam Sanctius Orbis theatrum

ROMA.

B 3

Ago-

(a) Reptasti per scuta puer. Claud. in paneg. Honor.

Aug. (b) ast illi (Turno) solvantur frigore mēbra Vi-  
tæq; cū gemitu fugit indignata sub auras. Æneid. 12.

Agonem Ipectabis,  
 Quem factiosæ in Circo Quadrigæ,  
 (a) Russata, Albata, Prasina, & Veneta  
 antiquato dudum Nomine revchunt,  
 Agonothetam rogas?

IGNATIUS de Lojola est,  
 SOCIETATIS JESU Fundator.  
 Hunc Olympia isthæc Herculem,  
 Isthmia Theseum sibi vendicant:  
 Metam, (b) & Turbinem trigonus, ut olim,  
 exhibet Obeliscus

DEUS TRIUNUS.  
 omnis peripheriæ centrum, & cursûs meta.  
 Supremum Obelisci conum,  
 aurata coronat Epigraphe:

AD MAIOREM DEI GLORIAM.  
 Huc cursus Quadrigarum effunditur,  
 hîc sistit.

At ubi Circus, quadrigæ, factiones?  
 accipe.

*Circus* ubi curritur in *Orbem circinatur*  
 Nam SOCIETATIS JESU Campus, Orbis  
 Terrarum est

Car-

(a) *Sunt nomina factionum inter aurigantes. de his vide Bullengerum tract. de aurigantium colorib<sup>9</sup> cap. 48. & Panuvium. lib. 1. de ludis Circensib. cap. 10. (b) De Circo & ejus partibus. vide Athenæum lib. 13.*

Carccres Oriens, metam Occidens præbet,  
Circi latera,

Hinc Septentrio, inde Meridies claudit.

Hic æternâ periodo curritur, & recurritur,  
Et Orbis limites, aurigantium limites sunt.

Quadrigas, quadruplex distinguit color,  
factiosæ æmulationis fomes.

Russatus, Albatus, Præfinus, & Venetus.  
totidem classes numera,

quibus SOCIETAS JESU distinguitur.

Primum Factioni Principi, detulit

IGNATIUS,

Igni sacrum, & Marti,

*Societati JESU Professe.*

Hæc cum igneo agmen ducit IGNATIO

Et velut primum mobile

reliquos Cælos in cursum rapit.

\* Olympionicam dixisses hanc factionem  
si sic Olympia decurrisset.

Russatæ succedit Albata.

*Societas JESU in Spiritualibus Coadjutrix.*

Hanc à cæteris distinguit illibatus Candor,

Et vacua Ambitione Modestia.

Nam locum in agone secundum non aspernata,  
secundissimè fertur.

Diviniori, quàm olim Romana, Zephyrò  
dicatur,

B 4

Cu-

\* *Victricem in ludu Olympico.*

Cujus suavi impetu propulsa,  
 prodromas Societatis Professæ quadrigas;  
 urget proximè

Et metam, utrique communem tenet.

Albatam excipit Prasina,

Veri dicata, ac floribus,

Florida *Scholarium* Juventus;

Factio Ver in vultu; & flores in genis ferens.

Æstatem cum messe datura,

Ubi adultior Mentis Sol,

relictâ Geminorum teneritudine,

in Viro Leone fulserit.

Hæc è Tyrocinij Carcere cursum auspicata,

tenerum figit pedem,

in vestigijs præcurrentium æmulorum.

Et sacrum profano artium Cursui jungens  
 agonem,

Ad communem cæteris fertur metam,

MAIOREM DEI GLORIAM.

Agmen claudit Veneta

Cæruleis quadrigis invec̃ta,

SOCIETAS JESU *in Temporalibus Coadjutrrix*

Hæc à Cælo, cujus intuitu laborat

colorem trahit.

Maris æmula,

Quod ab adversi Cæli aspectu colorem mutua-  
 tur.

Sic laboriosum ingressa agonem provehitur,

fluit

fluit per ora sudor  
 Siue Ceromatis locò ad luctam,  
 five unguinis ad cursum.  
 Sic vehitur cōcitatus Aurigantium Quaternio,  
 Cui è sublimi jam Cœli specula,  
 calcar subdit Agonothetes IGNATIUS,  
 Oculi stimulorum vice sunt:  
 Nam Oculus Agonothetæ, agonistarū calcar est,  
 tot armatur aculeis, quot radijs.  
 His agitati Aurigæ,  
 Ordine impari  
 pari tamen celeritate, metam contingunt.  
 Ita uno omnes pede viam mensi,  
 unam extendunt manum ad bravium,  
 unum daturi Lauro agonali verticem,  
 Quo ut & Tuus implectatur Viator,  
 abi, & sequere.

## ELOGIUM IV.

Sanctus FRANCISCUS XAVERIUS Ago-  
 nistarum Soc. JESU Princeps.

### APODOSIS.

**S**pectasti aurigantium IGNATII Socio-  
 rum,  
 quadrigas ROMA,  
 B 5 . Jam

Jam ad unum Orbis Indici Campum,  
oculos exporrigere.

Circum hic videbis, *Maximo* majorem.  
Nam Orbis Terrarum hemisphæriū complexo,  
Carceres præbet ROMA,  
Campum vastissimi, Asiæ tractus,  
Metam (a) antipodales Japonum, & Sinarum  
Insulæ.

I nunc, & agonistam, de hoc Circo metire.

Quis sit rogas?

IGNATII Patris secunda Proles,  
(b) SOCIETATIS JESU GLORIA.

FRANCISCUS XAVERIUS.

Hunc è tanto Agonistarum Sociorum numero  
unum,

Dum natum Orbi, renatum DEO,

A Summo Ecclesiæ Agonotheta

PAULO Papa III,

in Orientem missum,

ultimas demum terrarum metas

victrici manu tenentem sisto:

Tu ad spectaculum confide,

Et Sanctiora veteribus (c) Agonalia, celebra.

ELO-

(a) Japonica Insula sunt prope antipodales Europa. vide Bartoli in Vita S. Xav. (b) Sic XAVERIUM  
compellat Caspar de Villaroël Episcopus Chilensis. (c)  
Agonalia à certaminibus quoque Græcis sic dicta,  
docet Ovidius. in lib fastr.



# ELOGIUM V.

D. FRANCISCI XAVERII Profapia.

## GENEALOGIA.

(a) **S**temmata quid faciant,  
Quid profit sanguine longo censerī?  
E XAVERIO disce Satyrice.

E Regia Navarra Stirpe,  
Regius pullulat Surculus XAVERIUS.

(b) *Basilicam* herbam dicerēs,  
E *Basilica* semēte natam,  
quam quia molli manū mulcebat IGNATIUS  
Virtutis expressit odorem,  
quem uterque Orbis persentiscit  
fortē Scorpīos genituram vitiorum,  
si durius tractasset.

Sed vide Regalem XAVERII profapiam, &  
stupe.

Regius Sanguis  
Multiplicibus rivis in XAVERIUM transfunditur,

Ne-

(a) *Juvenal. Sat. 8.* (b) *Basilica Symbolum lenitatis, leniter tractata odorē; attrita scorpīos generat. vide Justinian. lib. 6. Gennēn. historia.*

Neque ultra XAVERIUM fluit  
O prodigium!

*Regij sanguinis gloria derivatione crescit  
Et purpura sapius tincta, rubescit magis.*

Nec minùs Regum Sanguis situ flaccescit,  
quàm venarum cruor,  
Cujus vigor in motu est.

Aggerem tamen objicit eidem XAVERIUS,  
& torrentem sistit.

At unde strues consurrexerit? accipe.  
Mollem de lilijs ripam, torrenti objicit,  
se ipsum.

Dum se Regalis profapiae Terminum,  
in florem pudicitiae transformat.  
Ad cujus candorem verecundus sanguis  
sistitur.

Celebrate Regium Nepotem Reges Avi,  
Qui à vobis, ita purpuram accepit:  
ut eà non *chlamydem* pingeret, sed *genas*.

Ne tamen omnino sterile sceret Regum sanguis  
in XAVERIO  
acceptam à Majoribus Coronam,  
\* fonti apposuit

Nam Regiorum Avorum decus, Regius hic  
Nepos,

Nisi

\* De festo Fontinalium, in quo fontibus Corona  
injiciebantur gratitudinis ergò, vide Varren. lib. 5.  
de lingua latin.

Nisi Reges habuisset Majores,  
Reges fecisset

Vide alternam Vicissitudinem.

XAVERIUS è *Majoribus* suis *Major*  
Et XAVERII *Majores*, è XAVERIO *Majores* fiunt.

Ita vertitur in XAVERIO Consanguinitatis  
Arbor,

Dum stipes à ramo, vigorem fugit, & vitam.  
Disce Lector.

Aurora Mater Soli filio splendorem debet, ac  
purpuram

Et saepe *Majores*, à *posteris* fulgorem trahunt.

Neque id mirum.

Nam, & Conchæ Matris pretium, à filio  
Unione.

## ELOGIUM VI.

XAVERIUS IGNATIO Parente, DEO,  
& SOCIETATI renascitur

### GENESIS.

\* S Apphirus Carbunculum gignit,

IGNA-

\* De Sapphiro Carbunculi Parente vide *Causin.*  
*Polyhistoris Symbolici. lib. 11. Symb. 53. Dioscoridē.*  
*lib. 5. c. 114. Epiphan. lib. de 12. gemm.*

IGNATIUS XAVERIUM.

Pater Europæ gemma,

Gemmam Indiæ Filium.

O Genesin pretiosam !

Sed difficilis est gemmarum partus.

Nec ex jactu \* Deucalionis, & Pyrrhæ,  
nascitur lapidea hæc proles.

XAVERIUS argumento fit.

Diu mentem eo plenam gestârat IGNATIUS:

Concham dixisses, rore gravidam,

At ægrè durando in *Unionem*.

Nam abortui pene propior, quàm partui  
Pater,

Diu refractarium XAVERII tolerat ingenium.

Omnis IGNATIINI nisus, risus fit XAVERIO,

Et ros tanto labore densatus à Concha,  
semper in auras resolvitur.

Nempe claritudo Azpilqueticî generis,

formæ gratia, viror ætatis,

ingenij fama,

vanitati ventilabrum præbuêre.

Sed maturuit tandem pretiosa hæc Soboles.

Plaude India Gemmarum mater !

Tibi nascitur IGNATIUM inter, ac XAVERIUM

*pretiosissima Unio.*

Hoc Cimelio, Caput Indiæ Goa radiabit,

Nec

\* *Fabulam vide lib. I. Metamorph.*

Nec deerit auribus, plusquàm Cleopatrea in-  
auris

Dum pulcherrimâ Vicissitudine

Goa ab ore X A V E R I I docentis;

X A V E R I U S, ab aure Goæ audientis pen-  
debit.

Ergo mutatus à se ipso X A V E R I U S,

totus in I G N A T I U M migrat.

Et ad physiognomiæ Divinioris leges,

Patris lineamenta,

Vultu præfert, ore, oculis, corde.

Emicant in frigido nuper pectore ignes

Ignatiani,

Et de Sapphiro Patre,

filius animatur Carbunculus.

Vim causticam sacra succendit Ascesis,

in qua totus in Pyropum abit X A V E R I U S,

Hinc flammæ Xaverianæ,

Incendendo Orienti pares.


Quibus, ut congruum porrigeret alimentum,

fluentem ex ulcerosa Elephantiasi tabem,

pro oleo suxit.

ELO-

\* De Gemmis Cleopatra, & absumpto centies se-  
stertiūm valore vide Plin. lib. 9. c. 35.



## ELOGIUM VII.

XAVERII Indophori Somnium.

## D R A M A.

**M**Orpheus suavis noctium Histrio,  
Et phantastici Theatri pantomimus,

Diurnos XAVERII amores,  
in theatrum nocturnum daturus;

leni soporiferæ Virgæ attactu,  
XAVERIUM in somnum composuit.  
Adeste, sed (a) Pythagoræi Spectatores.

Nam ut Morpheus:

Sic & Morphei theatra, amant silentium.  
Sed vos imprimis Cardiognostices cupidi,  
adeste (b) Momi

Et XAVERII genium,  
de phantastica hac scena explorete.  
Aperit, quam XAVERII modestia obtu-  
rârat,

Cordis fenestram Morpheus,

Et

(a) Pythagoræi silentio dediti per quinquennium.  
vide Suidam, & Zenodorum. (b) De Momo cor-  
dis fenestram desiderante, Deorum, ac hominum  
critico observatore. vide Lucian. Dialogo de haresib<sup>9</sup>.

Et accessa solis Superis adyta,  
Mortalibus recludit.

Nam & somnia, genium somniantis produnt,  
Et ut Coryli virgulæ,  
latentes in sopito thesauros indicant.

Ergo ad vigiles Lunæ stellarumque oculos,  
panditur Cortina.

Theatrum exhibet India,  
Sive ad X A V E R I U M in Europam,  
Phantasticis præstigijs delata:

Sive delato in Orientem,  
per somni ludibria X A V E R I O.  
Actores Scenæ bini.

Diei alter; alter nocti concolor.

Candidus X A V E R I U S,  
& Ater Æthiops.

Hic velut prologum daturus  
humi stratus affligitur.

Accurrit vigil in sopore X A V E R I U S,  
Et strato Æthiopi dextram tendit.

Sed Æthiopem pene lavat, dum levat,  
Nam in uno hoc Indo,

Orbis Indici appenditur pondus:  
Vel Atlanti, vel X A V E R I O par.

Ergo novus Orientis \* Atlas;  
gravi huic Microcosmo, armos subjicit.

C

Et

\* De Atlante Cœlifero vide Natal. lib. 4. Mythol.  
cap. 7.

Et compositam humeris Indiam, per Indiam  
circumfert,

labore plus quàm Herculeo.

Nam impar propè tantæ moli bajulus,  
anhelos rhonchos reciprocatur.

Fluit per ora sudor laboriosæ quietis index;

Et stratus ante in culcitra XAVERIUS,  
propè de culcitra sternitur.

Donec exterritus ad rhonchos Morpheus,

Scenæ umbratilis Cortinam reduceret.

Sic clauditur phantasticum theatrum,  
stupente Solem in umbra,

Et pulverem extra Campum XAVERIO.

Sic somniant, qui amant.

Amoris hæc fabula est.

Qui quæ perdius coquit, pernox recoquit,

Et gerendorum in Sole,

in Umbra progymnasmata facit.

Sic diurna Tua XAVERI vota,

Et flammæ Indicæ expeditionis ardores,

In nocturni theatri argumentum cessere.

Sed fabulæ Tuæ\* Epimythion audi.

Et de nocturnis his phasmatis;

futurorum prognosticon cape.

Umbratilis hæc Scena,

Indicæ quam deperis Spartaë,

Progymnasma est.

Lapsus

\* *Affabulationem.*



Lapsus humi Æthiops  
Collapsam Indiæ (a) Theosebiam refert,  
Ater : Indicam ab Idolorum acerris,  
exhibet fuliginem.

Tibi utriusque destinantur Vindiciæ.  
Levandus Tibi, & lavandus dabitur hic Æ-  
thiops:

successu optimo ;  
Nam & absque Archimedeo (b) hypomo-  
chlio, & vecte  
hunc Orbem movebis.

Nec Æthiopem lavabis in hoc Æthiope  
Dum è lustricis undis, *Cæli Candidatum* tra-  
hes.

At hîc labor, hoc opus erit.  
Rigabit ora decumanus sudor,  
Donec fatiscens sub pondere,  
In Sanciano, ad immortale jubar evigilës.  
Tunc decennales labores habebis pro somnio.  
Et verè.

Nam labor *cælo pramiandus, somnium laboris*  
*est.*

C 2

ELO-

(a) Religionem. (b) Est quod vecti in levandis  
ponderibus supponitur. *Aristot. in Mechan. quest.*  
Da ubi stem, & movebo terram. *Archim.*

## ELOGIUM VIII.

XAVERIUS à D. THOMA Apostolo  
 Prophetico Oraculo prænuncia-  
 tus.

## INTERPRÆTATIO.

(a) **F**atidicus hic lapis, notis Barbaris in-  
 cisus,

(b) Dignus, quem Sixtiani accenseas Roma,  
 Indicos characteres, & barbara signa, ne time:  
 Habes incisæ in saxa Ægypti Sapientiæ  
 Interpretem,

dignum Athanasiæ (c) Athanasium.

Hoc sive Oedipo, sive Sphyngæ,

Novi Obelisci arcana scies.

Interim & nostrum Oedipum audi.

Sitam in (d) Choromandele ad Meliaporem  
 Columnas vides?

Pyramidem diceretis tumulo Thomæo compo-  
 sitam,

Ni

(a) De hac pyramide Xaverij adventum vaticinante. vide Bartoli Vita Xav. lib. 1. n. 25. (b) Sixtus. V. Papa erectis Obeliscis Urbem exornavit. (c) R. P. Athanasium Kircherum S. J. Obeliscorum Interpretem. (d) Est Regio India Orientalis.

Nî Thomas ipse posuisset.  
Crederes Thomæ (a) Herculis Indici  
Triumphales *metas*

Nî plus ultra progressus Thomas,  
nullas labori Apostolico fixisset.

Ergo Mysterium accipe.

Fatidicum hoc Marmor,  
Oraculum est Apollinis Indici Thomæ,

Qui futurorum præsciis,

X A V E R I U M cecinit.

Audi arcanos Columnæ characteres,

& prognosin adverte.

Lapis (b) hic, & maris, & superstitionis Indicæ  
*Terminalis* esto.

Quem ubi alluviones marinæ tinxerint,  
Ductis quoque de Christi (c) hydragogia lym-  
phis,

tingetur India.

His detergâ superstitionis fuligine,

Concolores Europæ reddentur Indi.

Hæc Oraculi Epitome, hic syllabus,

Sic uno in lapide,

duplex opus molitus Thomas,

Neptuno, & Jovi crexit metam,

C 3

X A

(a) De Hercul. Columnis vide Plin. Proem. lib. 3.

(b) Pyramis circa idem tempus maris alluvionem  
passa, quo Xaverius in Indiam venit. Bartoli lib. 1.

Vita. (c) Aquæ ductu, id est Baptisterio.

XAVERIO Carceres.

Nam alluente tandem  
post sæcula quindecim, columnam Oceano  
Effusus de Sacris Romæ (a) Hydrophylacijs

XAVERIUS

More (b) Nili,

fecundum Indiæ Cataclysmum fecit:

Hoc & subruta Idolorum fana,

Et deterfa superstitionis fuligo:

Et maritati ad cœli segetem Campi Indici.

Plaude Rôma!

Et sacras futuræ messi apothecas erige,

At Tu minima SOCIETAS JESU

*Apostolicam Te speciem*, ne dubita

Nam in tuo objecta Thomæis obtutibus

XAVERIO

*Apostolica mentis Imago es.*

Sed & inde in Tuum XAVERIUM,

Apostoli Indici titulos deriva;

quod Thomæ Oraculo sit editus,

Nec ambige gemellum Thomæ Dydimò,

Nam quid quid XAVERIUS est

Apostolici Thomæ Oraculi,

Apostolicum Responsum est.

ELO-

(a) *Sunt aquarum receptacula* (b) *Nilus in Ægypto Coloni vice fungitur. Plin. lib. 18. c. 18.*

# ELOGIUM IX.

XAVERIUS ex Europa destinatur in  
Asiam.

## DIPLOMA.

**E**uropa Asiæ salutem.

Mihi Vale; Ave Tibi,  
dicit harum lator, Asia.

Quis sit rogas? accipe.

FRANCISCUS XAVERIUS  
Apostolicæ Romanæ Sēdis Nuncius.

Hi Tituli hospitis, hoc nomen.

Qui genus? unde domo, quæris?

Joannis Jassi, & Aspilquetæ XAVERIÆ filius,

Stirpe Regum Navarræ,  
suas ad extremas Orbis metas,

porrectura propagines,  
in Regali Surculo.

Vide, quàm latè tendat brachia Regalis arbos.

Quid nunciet inquiris?

*Malum nuncium* ne time ab *Evangelij* pracone.

Amplitudinem Legati,  
è Legantibus conjice.

Roma fidei Magistra, Nuncium ablegat.

Et bene.

Nam inde vox spargitur, ubi Verbum sonat.

Et ut Echo Evangelica,

per Orbem Indicum sonantiùs repercuteretur,

*A Petra* resilire debuit.

*Paulus III.* hanc vocem spargit,

Dum XAVERIUM legat.

Agnosce *Doctòris Gentium* vocem

Gentes docturam.

Tu verò gaude India!

A DEI in Terris Vicario,

in Ecclesiæ Sole,

spargitur Tibi hic Radius.

IGNATIUS Vitri Cautici vices agit;

qui hunc radium collegit in *Punctum*.

Quod monstravit *Obedientia*.

Per hoc *punctum*,

provehitur in Asiam *lux Evangelica*,

Et intenditur Christianæ *Virtutis calor*.

Nec parum debes Joanni III.

Lasitanæ Monarchæ,

quo primùm movente

in Asiam promovetur XAVERIUS.

Primum mobile meritò dixeris,

Quo fidus Orientis circumagitur.

Et bene movetur à Rege;

Ut hoc fidus, Cælo isti homogeneous scias,

Et harmonicam, inter utrumque profapiæ

symphoniam.

Acce-

Accedit IGNATIUS sublimis *Intelligentia*.

Dogmati Philosophico fidem faciturus:

*Astra moveri ab Intelligentijs.*

Nam Angelico consilio Asiæ XAVERIUM de-  
stinat.

Paret omnibus, Sidus obsequens,

Retrogradum quoque futurum,

Et antiqua in (a) Asiæ horologijs renovaturum  
portenta,

(b) I duntaxat literam,

*Astronoma* ducat *Obedientia*.

Quæ simul vices gnomonis aget,

ut Sideris hujus regressum in Europam ad-  
vertas.

Quid ultra in hoc nuncio desideras?

Multa paucis accipe.

XAVERIUS, magni Ecclesiæ Principum  
consilij,

Angelus est.

Tu vide,

ut in Te Cælum Angelis cognatum,  
aut inveniat, aut formet.

C5

ELO.

(a) De Achazi horologio v. 4. Reg. 20. (b) Ad  
unum I, redire fuit paratus, ab ultimo Oriente.

## ELOGIUM X.

XAVERIUS in Indiam solvit.

(a) HODOEPORICON

**E**Rgo tandem fuspirati, XAVERIO aspi-  
rant favonij

Et tumente fœcundo afflatu Carbasorum utero  
parturit, pridem concepta Indorum Salus.

Ita (b) *favonius*, & huic *Conceptui* favet.

Provehitur in vastissimos Maris Atlantici  
Campos,

felix Oneraria;  
Argonavim dixeris,

Quæ XAVERIUM pro (c) *Jasone* vehit,  
Goam petiturum pro Colchide:

Ibi vellus aureum tondebit,  
De Indicis Christi ovibus, nuper lupis.

Canite suave (d) *Celeusma* Sirenes

Tu verò Typhi, hodoeporicon in Commenta-  
rios refer.

Ergo sublati anchoris,  
provehitur in altum XAVERIUS,

Ad

(a) *Commentarius itineris*. (b) *Est genitalis spi-  
ritus Mundi quo planta reviviscunt. Plin. lib. 16. c.*  
25. (c) *De Jasone, vide Apollonium in argonau-  
ticis* (d) *Cantus Nauticus*.



Ad sextum idus Apriles.

Phaselo tantæ animæ pene impari,  
Quem ut instrueret novus hic Jason;

\* Nauticen molitur ex se ipso.

Pro Carbasis, pectus Orbis capax expandit,

Pro ventis

Goam aspirantia, dat suspiria.

Anchoram fingit in se ipso,

Dum spiris funis anchorarij incubans,

Navarchum, vel sopitus docuit

Quis maritimæ spei foret *Anchora*?

Saburræ vices, agit Paupertas,

Quâ nil ponderosius navi X A V E R I U S intulit.

Nam totam Apostolici Nuncij Majestatem,

se ipso definivit.

Vilis Sotana, purpuræ loco est,

Triobolaris galericulus tiaram refert,

Pedum Pastorale, rudis Scipio.

Epomidem Pontificiam, amata peregrinis,

dat penula

Nullum à splendore petitur mutuum,

Sola X A V E R I O fæneratur Paupertas.

Quâ opulentus,

docet falli eos;

Qui dignitatum splendorem, Lunam esse

credunt,

Quæ finè auri, gemmarum, ac purpuræ Sole,

non lucet.

Sic

\* *Res navalis, ejusque tractanda peritia.*

Sic instructam classem,  
 Mare Atlanticum primum excipit.  
 Cui vel XAVERIUS dedisset Nomen.  
 Cujus Charitas, Atlantæos humeros exertans  
 Navim mille capitum bajulam, succollabat  
 Nisi (a) Geryonem malis:  
 Qui velut multicorpor,  
 se unum partitur in plures,  
 Dum ita cunctis adest, ut non desit singulis.  
 Imò ex (b) Protei ingenio, in omnes se versat  
 formas;  
 Nam, & Archiatrum induit, & Mediastinum,  
 Focarium, & Pollinctorem,  
 Vespillonem, & Libitinarium.  
 Adeò *fecundior est gratia uteris,*  
                   *quàm natura!*  
*Ille in uno sepe gignit plures,*  
*Hac in multu quandoque nullum.*  
 Zonam subinde torridam ingreditur,  
 Cui parallelam duxerat Charitas  
 . utrà magis torreatur,  
                   *problema esto.*  
 Illud exploratum:  
 Neutrius calore absumptum (c) asbestinum  
                   pectus

Imò

- (a) De Geryone tricorpore vide Natal. Mythol.  
 lib. 7. c. 1. (b) De Proteo. vide Natal. lib. 8. c. 8.  
 (c) Asbestus lapis inextinguibilis. Plin. lib. 37. c. 10.

Imò nutritum potius \* de Salamandræ in-  
genio

igneis his alimentis.

Hinc inter utraq; Solis, ac amoris flammæ,  
perstat in navigantium obsequio XAVERIUS,  
Latus, alacer, integer.

Sed liquantur interim Apostolici fudoris  
gemmæ,

Novum daturæ Eo Mari pretium, ac nomen.  
Leget olim pretiosa hæc spolia Indica Ecclesia,  
Et suas de hisce etiam Cimetijis,  
jactabit divitias.

## ELOGIUM XI.

Reliquum XAVERII in Indias iter.

### PARALIPOMENA.

**I**Nter has Maris Indici Æurnas,  
Bonæ spei Promontorium

suspensam tenebat, Maritimæ spei Anchoram.  
Nam bonæ hæc spes, trepidos reddebat Nautas,  
ut Synonyma sint,

*sperare, & timere ad caput Bonæ Spei.*

Ex hoc capite res humanas metire,  
ubi optimæ spei, non raro desperatio contigua  
est.

Huic

\* Plin. lib. 29. c. 4.

Huic Vale potius, quàm Ave  
dicere optabant Classarij,  
tantò à mala, quantò à *bona spe* recessuri:  
Ignari,

XAVERIUM unicam classis anchoram,  
Citra malæ spei periculum,  
*Caput bonæ spei* reclinâsse in rudentibus.

Hujus potissimum ope,  
Summis Promontorij periculis, defungitur  
classis.

Cui ne sua deforent (a) *Alcedonia*  
adverte, ut molitus sit XAVERIUS.

In Mozambici littore,  
perditissimum Nautam,  
Orco jam nasciturum,

Cœlo gignit, dum ad frugem revocat.  
E Maritimo hoc puerperio Halcyonem ad-  
verte;

Qui edito hoc partu, mari *Alcedonia* invexit,  
Et frænos injecit, effræni Elemento.

Disce, ut amata Nautis gignantur *Alcedonia*.  
Tempestates, quas scelera cient, (b) *Metanæ*  
componit,

Hac Halcyone in mari nidulante,  
Typhones, (c) *Presteres*, ac *Turbines*, ne time  
Hac

(a) *De hi Plin. lib. 10. c. 32.* (b) *Penitentia*

(c) *Nomina ventorum, de his lege Plin. lib. 2.  
cap. 48.*

Hâc arte placato Oceano, Melindam ap-  
pellit,

Hic bellum Idololatriæ illaturo,  
secuturi prognosticon triumphi,  
(a) (ut olim Constantino) fit Crux,  
Agnoscit omen X A V E R I U S,

Et secuturis prælijs,  
Christianum præcinit (b) protrepticon  
*In hoc Signo vinces.*

(c) Socotoram dein Insulam lustrat  
Quæ Novercam in natura experta,  
Privignam se vicissim exhibuit Matri,  
ruptis naturæ legibus,

Et vitâ, cujus Matrem puderet.  
Solo aloë prima hæc Indiarum ora dives,  
*Plus aloës, quàm mellis luxum Indicum,*  
habere docuit:

At susceptâ per X A V E R I U M Christi fide,  
Plus mellis habere cœpit, quàm aloës.

ELO-

(a) *Euseb. in Vita Constant. lib. 1. cap. 20. 21. & seqq.* (b) *Est sermo instructivus, exhortativus.* (c) *Est Insula sterilis, solo aloë abundat. vide adag. Erasmi Chiliad. 1. Centur. 8. adag. 66.*

# ELOGIUM XII.

XAVERIUS appellit in Indiam.

## VATICINIUM.

**T**Andem agoni suo Athleta jungitur,  
 Campo Miles,  
 suo Hercules stadio,  
 Theatro gladiator,  
 XAVERIUS Indiæ.

Patet suspirata toties, novo Jasoni Colchis,  
 Europæo Achilli, Troja Indica,  
 Novam Romam fundaturo Æneæ,  
 per tot discrimina quæsitæ panditur Italia.

Et tot votis optata,  
 Novo huic Leonidi aperitur Sparta.  
 Suas apud Indos reperturo \* Termopylas.  
 Macte animo XAVERI!

audi, quæ Vates non inanis promat auguria.  
 In hac Colchide aureum tondebis vellus,  
 Ereptas inferno Draconi, pretiosas Christi  
 oves.

De hac Troja, ante decennium, triumphum  
 non speres;  
 Nec parvo Tibi constabit,

No-

\* De Leonide Rege Sparta ad Termophylas claro  
 vide Justin. lib. 2. Herodot. lib. 7.

Novam in Indijs fundâsse Romam,  
Arcem Sanctitatis Indicæ.

Multum, cum Sole, ac pulvere luctaberis,

Dum super Garamantas, & Indos,

Christi Imperium proferas.

Sed nec (a) sinè sanguine, hanc Spartam  
tuebere,

At maeste iterum animo X A V E R I !

Sinè arbitris in theatrum, non prodis ;

Nam effusum ad (b) Orchestram Cælum,

Tuarum sibi palmarum arbitrium servat.

## ELOGIUM XIII.

X A V E R I U S à Goa Indiæ Capite, Apo-  
stolicos labores, auspicatur.

### STRATAGEMA.

**I** Isdem artibus, sacrum, & profanum Mar-  
tem pugnare,

Et paribus utrumque stratagematis uti,

è X A V E R I O Divino (c) Poliorcete, disce.

Susceptâ ab Archistratego I G N A T I O,

D

Expe-

(a) *Ictus ad sanguinem sagittâ Xaverius.* (b) *Locus in theatro Senatorum, vide Sueton. in Nerone.*

(c) *De Poliorcete, vide Lipsij Poliorcetica. & Athenæum. lib. 2.*

Expeditione Indicâ,  
Ad stratagema Scipionis (a) Africani, conver-  
titur,

Pœnas ille, de Pœnis sumpturus,  
Carthaginem aggreditur;  
In hac Urbe totam oppugnat Africam,  
Et totum expugnat Hannibalem.

Adeò *Urbes Regnorum Compendia,*  
*sape Regnorum dispendia fiunt,*  
*Et de una Urbe, velut de corde Respublica, vivit.*

Ab his Polemicæ Stratagematis,  
instructus Xavier,  
Goam, Indiæ (b) Acropolin petit.  
Hic eversâ vitiorum Tyrannide,  
Et castigato Christianorum Sybaritarum luxu,  
prima Christo trophæa statuit,  
Et sacrae per Orientem Militiæ, parasceven  
facit.

Hæc Victoriarum Epitome.  
Nam brevî sparsa per Indos Idololatria subver-  
titur,

Sic eliso capite, longè porrecta eliditur Hydra,  
Et captâ Metropoli,

Urbes filia tributariæ fiunt.  
Primi successu Stratagematis,  
alterum operosius molitur

Dum

(a) *Expugnata Carthagine Annibalem vincit.*  
*vide Plutar. in Scipione.* (b) *Est Arx Urbis.*



Dum Goam, Christianæ fidei propugnaculum  
facit.

Nam erecto Sanctæ fidei Contubernio,  
Arcem pietati fundat,

Et Equum in Trojæ perniciem utilissimam,  
intra Muros provehit.

Inde generosus Christiani Tyrocinij partus,  
Et auxiliares XAVERIO Copiæ.

Adverte novum in XAVERIO Davidem.

Indiam oppugnaturus, Indiam armat,  
Et Goliathum, suo ipsius acinace sternit.

Nam Tyrocinium Christianæ Militiæ,  
è parvulis Indis fundat,

In Umbra Tyrones erudit,  
producturus in Solem Veteranos,

piè in Patriam impios,  
Et amicos parentum hostes.

Sic hostibus hostes oppugnat,

Et \*desolaturus Indicam Superstitionem  
Indiam in se ipsa dividit.

Discite posteri

Nova belli sacri Stratagemata.

Orco bellum illaturi, pueros authorate,  
Immaturus hic exercitus, Victoriæ matura-  
bit,

Nam Idololatria Goliathus est,  
Quem Viri verentur, David puer obtruncat.

D 2

ELO-

\* Regnum in se ipso divisum desolabitur. Luc. 11.

## ELOGIUM XIV.

XAVERII in Ora Piscaria labores.

## (a) LITHOSCOPIA.

**U**T Annulum Piscatoris Petri,  
 Gemmis Orientalibus, ditaret XAVERIUS;  
 Goâ in Oram Piscariam solvit.  
 Hic gemmarum pretiosa vivaria,  
     piscēs alunt,  
 quos aureo hamo dignos judicasset (b) Au-  
     gustus,  
 Et rursus sorberet (c) Cleopatra,  
     si cum Antonio cœnaret.  
 Hic Occidentalium navium *Polus*,  
 Et Europæ avaritiæ *Magnes*,  
     Gemmæ sunt:  
 Decidua de auro Solis curru Spolia,  
 Et primi Mariis Eoꝝ radij.  
 Huc delatus XAVERIUS;  
     profanam exolus,

Sa-

(a) Piscatio gemmarum. (b) *Augustus Imp. magnos sumpt<sup>o</sup> pro rebus incertis facientes, aureo hamo piscari dictitabat. vide Sueton. in Aug.* (c) *De luxu Cleopatra, vide Plin. lib. 9; c. 35.*


Sacræ habenas laxat avaritiæ;  
 Nam spreto gemmarum Indicarum piscatu,  
 Animas, gemmis nitidiores,  
 de Sacro flumine trahit.

Leguntur animæ Cœli Margaritæ,  
 de vilibus Barbariæ conchylijs;  
 DEUM ipsum, ad Jus (a) protimisceo tutan-  
 dum moturæ  
 Plaude Roma!

X A V E R I U S gemmeus Piscator,  
 Piscatores gemmarum irretit,  
 Et annulo Piscatoris Petri inserit,  
 gemmarum locò.

Sed & mirare Divinum Viri consilium!  
 Gemmeus piscatus, aureum poscebat hamum;  
 ( Nam solus hic tractus, aurei hami jacturam  
 exolvit )

Hunc (b) Divina Arachne, concinnavit  
 Charitas

Zelo imarum, velut aureo stamine,  
 de X A V E R I I præcordijs ducto.  
 Hoc instructus,

Oram piscariam nudipes percurfat,  
 Labor exercetur improbus:

Oppida integra lustricis aquis tinguntur,

D 3

Inde

(a) Est prerogativa redimendi, vide Commentar.  
 Juris de verbor. significat. verbo Περσικισ (b) Vi-  
 de Natal. lib. 6. Myth. c. 22.

Inde pretiosi animarum uniones.

Hos ut sacro imbueret splendore,

Diurnâ nocturnâque Catechesi polit.

Sitim interim, ac famem, unus hic opsonat  
piscatus,

Vox, & latera anhelum deficiunt,

Et tantum non piscatui, Piscator immoritur.

Ita nempe, *aque dira est, auri, & animarum  
fames*

Quas ut in turbido melius piscaretur;

Acheron nubem inhalavit

Inde fulmina in XAVERIUM à Badagis,

& ferreus imber sagittarum.

Harum una dum XAVERIUM fauciat.

Phlebotomum facit,

Et præfervidos Martyrij calores,

tantisper mitigat.

Sic in turbido piscatur XAVERIUS,

Et de *Mari Erythraeo Carbunculos* legit.

## ELOGIUM XV.

XAVERII per Oram Piscariam Miracula.

### DIPLOMA.

**H**Actenus legibus Naturæ suberat XAVERIUS,  
Nunc præest. Ovi-

O vices gloriosas!

Nempe *nemo gratis Naturæ obtemperat.*

Nam clypëis tandem mutatis,  
suo nuper servo ancillatur.

Adeò *non excussò, sed tolerato naturæ jugo*  
*comparatur libertas.*

Sed ut publicis constaret tabulis, immunitas

X A V E R I I,

à DEI in Terris Vicario,

Paulo Papa III,

diploma privilegij accepit;

Quod in Ora Piscaria,

tot sigillis munivit DEUS, quot miraculis.

Evolve Lector Diploma, & vide.

Nuncium Apostolicum leges?

Angelum intellige.

Nam hæc in Cœli lexico Synonyma sunt.

Hic primùm naturam excedit X A V E R I U S.

Nam hominem exutus, Angelum induit

A quo

Nil deinceps Angelici alienum puta.

Sed absque sigillis Diplomata Græcæ fidei sunt.

Vide, quæ appenderit DEUS.

Et vel inde Papam Cœli \* Chartophylacem  
crede,

Cujus Diplomata, obsignat DEUS.

Vix in Oram Piscariam appulit X A V E R I U S,

D 4

E

\* Est Scriniij Magister.

Et mulierem, lustricis undis aspersam,  
partu difficili solvit.

Crederes hanc vitem,  
finè hac pluvia gemmare non potuisse.

Primum hoc Diplomati Pontificio  
appenditur signum,

Quo XAVERIUS naturæ libertus authoratur.  
Imò Dominus.

Hinc nemo honoratum à naturâ XAVERIUM  
neget,

Quæ fructum floris jacturâ emi solitum,  
ita dedit XAVERIO,  
ut pretium non exigeret.

Nam XAVERIUM Patrem fecit,  
sed quem genuisse non puderet:

Sic Angeli gignerent, si gignerent.

Signo quod sequitur, Numinis Imago  
impressa est.

Unde egressus nuper hominem XAVERIUS,  
Nunc Angelos transfilit,  
Et DEUM refert.

Nam Plastrici Divinitati, junctus Symplastes  
Ternos in cognatum sibi limum,  
Sub mortis figlina redeuntes;  
inhalatâ vitali aurâ redanimat.

Ita novus \* Prometheus, Sole infalutato,  
extinctum vitæ Ignem reaccendit

Et

\* *Fabulam vide apud Hesiod. in Theogon.*

Et inferis non visis,  
absque chely  
Novam (a) Eurydicen, novus Orpheus re-  
ducit.

Tu in hoc signo, non fabulas,  
sed Divinitatis (b) aposphragisma,  
mirare Lector,

Quod X A V E R I U S refert,  
Dum mortuos vitæ redonat.  
Nam *divisum Imperium cum DEO habet,*  
*qui morti imperat.*

Tertium Diplomatis signum,  
Giganteâ specie X A V E R I U M exhibet  
Qui Gigantomachiam cum Badagis commis-  
surus,

in Gigantem arcanis trochleis furrigitur.  
Sensit nempe angustias hospitij  
Augustus hospes,

X A V E R I I Animus;  
Hinc altiori Virtute,  
Giganteo Duci Giganteum figitur ten-  
torium,

Et stringendo in Goliathum Tartareum  
acinaci,  
aptatur vagina.

Viso hoc Gigante, velut (c) Gorgonē

D S exan-

(a) Vide Virg. lib. 4. Georg. (b) Signaculum, sigillo expressum. (c) Fab. vide apud Hesiod. in Theogon.

exangues Barbari rigescunt.

Hærent pigris agglutinati vestigijs,

Et propè durantur in saxa.

Canite novam Gigantomachiam Poëtæ,

In qua *Cæli Filius Gigas*

Cælum propugnat, Terram impetit,

speciate veram (a) Enceladi fabulam,

in XAVERIO

Qui jactâ Ecclesiæ Petrâ,

Sacrilegum Jovem,

de aris Indicis deturbat :

Et pijsissimus Theomachus

Delubra cum Idolis evertit:

Jacet nunc sub Petrâ incestus Jupiter,

Et a Gigante XAVERIO recipit talionem,

Quem substratus Ætnæ Enceladus,

frustra molitur.

Habes authenticum Diploma India,

Quo XAVERIUM naturæ legib<sup>9</sup> exemptū vides.

Hoc Petri Calamus exaravit,

signavit DEUS.

Advertis Romam Veritatis Magistram?

Mitte alia deinceps Oracula,

XAVERIUM Tibi dedit Roma

Dignam (b) hâc Dodonâ quercum,

(c) Tripodem his Delphis. ELO-

(a) Vide Ovid. lib. 5. Metamor. (b) De Dodonæo Oraculo vide Strabon. lib. 7. Georg. (c) De Tripode. Horat. lib. 1. Carm.



# ELOGIUM XVI.

XAVERIUS sopitus, contra impura  
fomni ludibria, ad sanguinem  
decertat.

## MITHOLOGIA.

V Eteri læsæ in spineo Rosetò (a) Veneris  
fabulæ  
Ut XAVERIUS subjiciat (b) Epimy-  
thion,  
audite Mythologi  
Adonidem,  
suas ab apri dentibus vindicatura delicias,  
Venus,  
Venerem exuta, Dianam induit,  
Et si ve amore, si ve irâ furens,  
Raptorem persequitur.  
Adeò occidui Adonides & Veneres armant!  
Nec mirum.  
Nam formæ occidentis flammâ,  
more occidui Solis,

ut

(a) Fab. vide apud Natal. lib. 5. Mythol. c. 16.

(b) Affabulationem.

*ut major apparet, sic magis urit.*

Ergo Adonidem servatura,  
belluam impetit.

Sagittas è pharetra promit Cupido,  
Harum an Adonis, an aper sit scopus?

Problema esto.

Nam *Venus uno eodémque astu, & amat, & furit.*

Sed dolor, ut assolet, jungitur amor.

Nam calcata inter insultus Rosa,  
fecdos Veneris amores,  
aculeo perstringit,  
dum pedem lacerat.

Excipit defluum cruorem castissimus flos,  
Et ad lascivi Cruoris contactum, erubescit.

Audistis fabulam Mythologi?

Apodofin accipite.

XAVERIUM, è Parisinæ Academiæ topiarijs  
legerat IGNATIUS

pro Rosa florum Regina, Regum florem,  
Hunc Divino consilio Indiæ destinat.

Sive ut inter (a) allium Idololatriæ Indicæ,  
Virtutis odorem intenderet,

Sive ut impuras scelerum (b) Cantharides necaret.

At

(a) *Rosa inter allium odorem intendit. Jacob. Masen. lib. 6. Spec. c. 63. n. 6.* (b) *Et Scarabæos necat, idem cap. 50. n. 23.*

At Venus, & hanc sibi Rosam consecratura,  
 Dignum Cœli Topiarijs florem,  
 Impuris \* Adonidis, & Priapi hortis destinat.  
 Ergo X A V E R I U M defloratura,  
 Diurnis laboribus fessum,  
 Nocturna Lena aggreditur.  
 Circumvolat castissimum florem,  
 turpissima Cantharis,  
 & impuras manus, illibatae pudicitiae,  
 injicere fatagit.  
 Sed icta secundò, sapuit.  
 Nam X A V E R I U S Apostolico rigore horridus,  
 inter rubos, & sentes cilicinos,  
 more Rosæ effloruerat.  
 Sensit inimicos aculeos Venus,  
 Et Adonidis in X A V E R I O memor,  
 fauciam manum retraxit.  
 Sic cæsæ Veneris cruore, purpurascit Rosa,  
 Dum X A V E R I U S, erumpente è naribus  
 cruore,  
 toto vultu erubescit.  
 Miscet purpureum colorem Verecundia,  
 Et velut labarum explicat in genis.  
 Spem hoc pacto induciarum præcìdit cum  
 Venere  
 Et suâ ipsius purpurâ Victorem X A V E R I U M  
 vestit. Ita

\* Horti Lupanares erant, vide Natal. Com.  
 lib. 5. Mythol. c. 16.

*Ita nempe, Venis vinci, absque Victoris rubore  
non potest.*

Hanc purpuram si ambis Lector  
Artus rebelles, cœlesti rigore stringe,  
Genas pingat Verecundia  
Sic de cruore Veneris, ad spinas cæsa,  
purpurasces Rosa.

## ELOGIUM XVII.

XAVERIUS D. Thomæ Sepulchrum  
Meliapore invisit.

### DIGRESSIO.

**D**Ebes id quoque Virtuti Tuæ,  
gloriose Indorum proto-Apostole Thoma;  
Quod apud Indos post fata vivis.

- Et ubi suam cæteri terminant genesin,  
Tu (a) palingenesiam ordiris,  
in Tumulo,

Et plures esse in Asia (b) Phœnicas doces,  
qui de suis Cineribus vivant.

Hujus tumuli fama, Gangem & Indum trans-  
volans

Te

(a) Regeneratio, alteri natales. (b) De Phœni-  
ce vide Plin. lib. 10. c. 2.

Te vivere canit.

Ad cujus ostium,  
pro ferali Cupresso, laurus viruerit.

Ita vivis suppar Phœnici,  
clarior post cineres.

Ipsa quæ vivum oderat,  
Mortuum adorat India.

Nam qui cruentam (a) Tomyrin senseras In-  
diam vivus,

Habes extinctus (b) Artemisiam  
Felix in hoc Tuo cariei Regno Mausolus!

Cujus sanctissimos Cineres,  
Mausolæo Meliaporæo conditos,  
mæsta libat quotidie India, dum basiat.  
Huc è Sole, ac pulvere digreditur X A V E R I U S ,  
sequere Lector,

Et sacros cum Thoma congressus observa.  
Ergo adest.

Sive ex hac Cineris Thomæi favilla,  
Apostolicos aucturus ardores:

Sive (c) Achillis hujus Indici coronaturus  
tumulum,

No-

(a) *Tomyris Scytharum Regina Cyri Regis caput,  
in utrem sanguine plenum conjicit. Justin. lib. 1.*

(b) *De Artemisia affectu in Mausoli cineres. vide  
Gellium. lib. 20. Vitron. lib. 2. (c) De Alexandro  
tumulum Achillis coronante, vide Ælian. lib. 12.*

*de var. histor.*

Novus Alexander,  
 Sive detracta jam Indicæ superstitioni spolia,  
 De Thomæ sepulchri tholo appensus.  
 Nec absque septendiali jejunio opus aggreditur;  
 ignarus, quòd ceromate secuturis cum Orco  
 luctis,  
 ungeretur Athleta.

Nam *jejunia mentium ceromata sunt*,  
 quibus ad Orci prælia ungimur.  
 Sic comparatus Indorum Apostolus,  
 Indorum Apostolo jungitur.  
 Nescias, ad monadem hîc videas, an dyadem:  
 Adeò os humeròsque Thomæ similis XAVERIUS!

Dyadem tamen, *Dydimus* evincit Thomas,  
 Nunquam magis Dydimus,  
 quàm cùm gemellum sibi adstare videret  
 XAVERIUM.

Quis hic amborum sensus?  
 Similitudo Mater Amoris,  
 ad *Dydimi* tumulum gemellos enititur;  
*Amorem & Gaudium.*

Excipit uterinos fratres XAVERIUS,  
 Et totus ad Thomæ aspectum amat, & gaudet.  
 Hæret perdius, & pernox,  
 ad amatas exuvias,  
 Et ut votiva Lampas,

Tumulo Thomæo affigitur.

At Orcus, ex hac duorum Indiæ fiderum coitione,

Secuturæ Idolorum cladis,  
prognosticon fecit.

Ergo Stellarum Synodum disturbaturus,  
impurus Tenebrio,  
X A V E R I U M adoritur.

Quod servam nuper Deorum Indiam,  
pileo donâffet Christianæ libertatis

(a) Plagij postulat, & convincit

Ergo de lege plagiararia,  
Plagij reus, plagis excipitur.

Subjiciuntur fustuario Atlantæi lacerti,

Et Caput

tantorum pro DEO moliminum (b) Prytæ-  
næum

facrilegè violatur.

Ingemiscit Sanctissimus plagiararius,

Quod violato (c) asyli jure,  
æquissimi plagij, iniquissimas pœnas,  
ad aras luat.

Nam pro aris tantùm fuetus pugnare,

E

non

(a) Plagij fit etiam reus, qui servo fugam persua-  
det à Domino. (b) Locus ubi publica consilia agitan-  
tur. (c) Olim rei ad aras Deorum habebant asylon,  
unde abripi nefas. Virgil. lib. 4. Talibus orantem  
dictis, arasque tenentem, &c.

non focis,

Jus asyli ad aras meruerat.

Ergo MARIAM Cœli Astræam inclamat,  
& Sanctissimæ Themidos jura appellat.

Ad hujus nomen encervati Tartarei Lanistæ,

Ab aris, ad haras dilabuntur:

retracti tamen ad tribunal,

Astræâ Judice, Thomâ teste,

XAVERIO accusatore.

Ergo in sacrilegos fertur sententia

Ob jura asyli violata,

Ob profanata Thomæi Tumuli adyta

Ob læsam Apostolici Nuncij Majestatem

Ultori XAVERIO traduntor.

Nec gravius in stygios Verberones,

fulminari poterat.

Nam XAVERIUS resumptis tandem viribus

Apostolicâ ira flagrans,

Primam sacro furori victimam,

Malacam destinat.

Hic cladem Corporis, Deorum clade,

Membra livida, hostium livore,

Violatum aræ asylon.

Subversis delubris expiat.

Nemo facilè majori voluptate,

reddidit Talionem.

ELO-



# ELOGIUM XVIII.

XAVERIUS Malacæ pudicitiam resti-  
tuit.

## PARALLELA.

**S**phæricam Orbis figuram,  
Non tam è tereti Terræ globo,  
quàm ex rerum \* pericyclofi  
Metimini Geometræ

Utroque hoc torno  
rotundatur in Sphæram Orbis

*Fluunt tempora, ut resfluant,  
& gerenda geruntur.*

Geminos quondam Duces  
Orbi Hebræo dedit Asia;  
Moysen, & Josue.



Eosdem Orbi Indico redonat in XAVERIO.

Sic vetera instaurat jam vetulus Orbis,

Et seipsum, ad seipsum circumagit.

In hoc tamen dispar à se ipso,

Quòd sparsam in plures virtutem,  
recollegerit in uno;

Dum unum Malacensem XAVERIUM,

E 2

Ge-

\* Rerum in Orbem Circulatio.

Geminis Palæstinæ Ducibus æquavit.

Ductam ad invicem parallelam,

Observe Lector.

Mollissimum Palæstinæ Cœlum,

Ingressus Virgineus Dux Josue

Ceu grando inter æstivos furores,

magis induruit.

Nam inter medios Luxuriæ (a) Asiaticæ ca-  
lores,

(b) Virgineo gelu ita concrevit,

Ut in aquas Veneris consanguineas,

solvi non posset.

Hinc ad centesimum decimum solem,

vividus, ac integer Josue sanguis

Illustri posterorum documento,

*Distracto in plures sanguine, annos contrahi,*

*Et stipitem ramorum copiâ exauriri.*

Jam parallelam vide.

Malacam ingressus XAVERIUS,

Oceani Orientalis Insulam,

Quondam Martis Thraciam,

nunc Cyprum Veneris reperit.

Nam Insula velut Maris Eoi spuma,

ipsa Climatis temperie fota;

nî alibi natæ,

Pa-

(a) *Asiam luxuria Patriam. vide Cic. pro Mu-*  
*ran.* (b) *Virginem mansisse Josue complures è PPb<sup>9</sup>*  
*sentiunt. vide D. Hieron. in libro advcr. Jovin.*

Patriam dedisset Veneri.  
 Ista plerumque (a) Marti exauthorato  
 succedit Venus,  
 Quis id ambigat?  
 Nam (b) *Thracia Cyprus confinis est.*  
 Ab hac spumosa Sobole  
 copiosa turba Nepotum,  
 Sardanapali, & Thaides,  
 velut nati de stagno Pythones.  
 Huc delatus XAVERIUS,  
 Mollem spumis Cyprijs Insulam,  
 solidavit in Concham,  
 Non (c) Veneris, sed pudicitiae vestricem.  
 Par Asiatico Duci Josue,  
 Qui de (d) Salamandræ ingenio,  
 inter ignes Palæstinos illæsus,  
 XAVERIUS (e) asbesti æmulus,  
 inter humentes (f) Aphrodisiæ spumas,  
 purus arsit.  
 Sic Asiæ Lupanar Malaca,  
 XAVERIO Vindice,

E 3

pene

(a) *Annibal Campanas delicias Cannensi triumpho subnectit vide Flor. lib. 2.* (b) *vide Theatrum Orteliij.* (c) *Venus Conchâ vecta est vide Natal. lib. 2. Myth. c. 1.* (d) *De Salamandra inter ignes V. Plin. lib. 10. c. 67.* (e) *De asbesto lapide, vide Plin. lib. 37.* (f) *Aphrodisia cognomen Veneris quod è spuma sit orta.*

pene abiit in Parthenonem,  
 quem vel (a) Vestales incoherent.  
 At parallelos hæc tunc Duces  
 una obliquat ætas;  
 Nam è centum decem annis Josue,  
 (b) XAVERIUS ex æquo dimidium tulit.  
 Sed & hic parallelam nota.  
*Cæli fasti, gestis notantur, non annis.*  
*Et Virtutis Sphæra, ut supremi Cælorum Orbes,*  
*Solis ac Luna cursus, prævertit,*  
 Dimidius Josue, ætate erat XAVERIUS:  
 Gestis integer.  
 Nam quæ bini Hebræorum Duces  
 egissent pro Synagoga,  
 Unus pro Ecclesia XAVERIUS gessit.

## ELOGIUM XIX.

XAVERIUS Victoriæ de Acenis  
 impetrat.

### PARALLELA.

**N**Ovas (c) Polemicæ technas,  
 è gemi-

(a) *Vestales Virgines à Numa Pompil. Veste Sacris, & igni custodiendo dicata Liv. lib. 1. Cic. 3. de legib.* (b) *Moritur Anno atat. 55.* (c) *Ars militaris.*

è geminis Asiæ Ducibus Mose, & XAVERIO,

discite (a) Eupolemi

Et quo pacto belli alea feliciter cadat,  
accipite.

Tu interim Lector, solutam tituli fidem,  
Et alteram inter utrumque parallelam,  
observa.

(b) Belli Amalecitas petiturus Moses,  
Spreto Bellonæ Agonali, Campo;  
Montem petit.

Inde in hostes pugnaturus,  
semet in preces recolligit,  
More grandinis  
quæ inter alta nubium densatur,  
ut feriat.

An ut memor aqueæ suæ Originis (c) Moses,  
Ceu vapor ab aquis exhalatus,  
in alto spiffescat in Nubem,  
Unde in hostes fulminet?  
Ergo classicum canitur,  
stringuntur Judæorum enses,  
sed unus Mosis manibus.  
Quibus sublati sternuntur hostes,  
Cadentibus surgunt.

Adeò Victoria momenta preces librant.

E 4

Et

(a) Felices Bellatores. (b) Exod. 17. (c) Moses interpretatur attractus, subintellige de aquis, vide Exod. 2.

*Et in bellorum equipondio ,  
 alterutri lanci, momentum imprimit Oratio !  
 Sic pugnate , sic bella conficite Eupolemi  
 In erectis in Cœlum palmis , palmas ferite ,  
 futuri palmarum mēssores.*

*Hæc Mosis, hæc XAVERII mēssis.  
 Extorserat Malacā Mahometi Lusitania ,  
 & unā quæstuosissimi Maris Imperium.  
 Læsæ hoc pacto geminæ Mahometis pupillæ ,  
 Avaritia , & Superstitio.*

*Excussa simul iræ Scintilla ,  
 unde armorum secutum incendium.  
 Sic , & læsæ pupillæ scintillas spargunt.  
 Ergo vindictam spirans Acenus Rex ,  
 sexaginta navium classem cogit ,  
 Et Lusitanos repetundarum postulat.  
 Hi octo ægrè cohærentiæ navigia ,  
 cum centum Octoginta Epibatis ,  
 furenti objiciunt*

*proh ! quantillam manum ,  
 nisi libraretur à XAVERIO !  
 Nam hunc Mosen , huic Amaleco ,  
 objecit Malacā.*

*Ergo altum miles , XAVERIUS alta suggesti  
 petit.*

*Stupete prodigia posterī !  
 XAVERIUS pugnam , quam sublatīs mani-  
 bus ciet ,  
 vultu refert. Nam*

Nam tota belli longè diffiti facies,

in faciem X A V E R I I migrat.

Et è vultu utriusque Fortunæ,

vultus X A V E R I I fingitur.

Repercutitur ad ejus aures fragor Machina-  
rum,

Et cruentum pelagus in ore X A V E R I I,

ut iris in nube refringitur.

Sed Majora audite.

X A V E R I U S, & militum sarcinas servat,  
& militem ducit.

eminus pugnat, & cominus,

fit oculatus pugnae haud visæ testis,

Victoriæ Nuntius,

qui Malacâ pedem non extulit.

Illud maximum prodigiorum,

quòd suis tandem manibus, ut alter Moses,  
bellum conficit.

quibus è suggesto levatis,

trophæa levat Lusitaniæ,

& hostes dejicit.

Nempe, *ut ferias, manus attolle,*

*& tantò altiùs, quantò graviùs feris.*

At Tu Romani Pater Imperij, \* Juli,

Tuum his auditis deinceps occantare desine;

*Veni, Vidi, Vici.*

Mirare Victoriosiorem X A V E R I U M.

*qui nec venit, nec vidit, & vicit.*

ELO-

\* *Vide Sueton. in Casare.*

## ELOGIUM XX.

XAVERIUS appellit in Japoniam.

## TITULI.

**S**iste cursum XAVERI!  
 Ultimam Orbis Thulen tenes,  
 & mundi metam, Japoniam!  
 Non plus ultra, nisi minus ultra velis.  
 Nam ultra (a) antipodas non itur, sed reditur  
 Maeste animo *Cælestis Geometra* XAVERI!  
 Jam toto terræ hemisphærio  
 ab Europa sejungeris.  
 Sphæram perfecturus,  
 (b) ad primum Ignatiani Nominis Elemen-  
 tum.

Nec plus IGNATII requiritur,  
 ut obtemperes.

Jam antipus Europæ stas,  
 Et Cosmodromas plantas,  
 (nî adiaphana Terræ moles obfisteret)  
 Europæis oculis, è diametro obvertis.

Vide-

(a) *Japonia Europa ferè antipus. vide Bartoli in Vita S. Xav. & Maffei lib. 12. histor. Indic.* (b)  
*Vide Bartoli in Vita.*



Videte *Geometricos* X A V E R I I *pedes* Geo-  
graphi,

Et amplitudinem hemisphærij Terræ,  
hâc regulâ memini.

Dabunt *hi pedes* passuum millia,

(a) Europam inter ac Japoniam,  
quatuor, & viginti.

Et altimetra hæc Scala,  
antipodum distantiam monstrabit.

Maçte animo Sol Orientis X A V E R I !

qui novâ Eclipticâ, ab Occasu in Ortum pro-  
gressus.

Nunc in Auge Japonico stas;

Et plenum Apostolicæ Virtutis meridiem ac-  
cendis:

Inde Idola proffigata.

Ex Solis utique ingenio  
quo crescente Umbra decrescunt.

Inde calor Virtutis,

per Japonicas hyemes sparsus:

Sed & mota per antiperistasin tempestas,  
à frigido Bonziorum Aquilone.

Hinc lapidea in X A V E R I U M grando.

Sed more Solis,

grandinantibus nubibus altiore.

Maçte animo (b) Magnes Orientis X A V E R I !  
qui

(a) Vide Bartoli in Vita. (b) De vi Magnetis  
vide Plin. lib. 36. c. 16.

qui è Magnetis ingenio,  
 ad frigidos Japoniæ Triones,  
 ita verteris;  
 ut socios exempli Magnetismo, eodem trahas.  
 Sed non absque consueto Magneti delectu  
 (a) Dum ferream Sociorum virtutem exigis,  
 Vestigijs Tuis idoneam.  
 Sic trahitur ferreus Spinola,  
 Magnes & ipse futurus posterorum.  
 Hic ut Virtutem posterorum tractivam  
 servaret integram;  
 De Magnetis ingenio,  
 (b) Intra busti, ac cinerum Scobem,  
 de exusto corpore defluam,  
 recondi voluit.  
 Sic trahitur (c) Mastrillus ad Japonas,  
 Cui pro acu nautica,  
*Index Japoniæ XAVERIUS* fuit.  
 Sic alij trahuntur.  
 Sic vos :  
 quos ferrea Virtus, ad incudem patientiæ  
 malleavit Socij,

Ad

(a) Vide lib. 5. Novar. Epist. S. Xav. Ep. 11. ubi ad Ignatium sic. Arbitror necessarium destinari huc à Te, Viros prestantes, & supra vulgarem modum virtute ac doctrina preditos. (b) Magnes Virtutem ferri tractivam conservat in ferrea Scobe. (c) Mastrillus Xaverio favente venit in Japoniam.

Ad magnetem Xaveriani exempli,  
ab Europæ avulsi delicijs,  
ad rigores Japoniæ avolatis.

## ELOGUM XXI.

XAVERIUS Christi Fidem primus Ja-  
poniæ infert.

## E M B L E M A.

**H**abet hoc vitij genus Mortalium,  
quòd Majorum Virtutes glaci, *glaci*,  
Vitia faxis incidat.

*Hinc scelera cum faxis durant*  
*Virtutes cum glacie fluunt.*

Et unà Virtutis memoria.

Ne sic dilaberetur XAVERII, Virtus,  
provida cavit SOCIETAS JESU.

Dum incîsum Cedro Xaverianæ Virtutis Em-  
blema,  
hoc loco fixit.

Stabit vermiculatum hoc opus,  
à vermibus immune;

Nam nec Cedrus Arborum,  
Nec Virtus animorum Regina,  
blattis, ac tineis pendunt vestigal.

Acce-

Accede Viator.

Et incensam immortalis trunco XAVERII glo-  
riam,

Oculis subijce.

Vides effigiatam in Cedro Urbem?

Japoniæ Eclypon est.

Hunc Terrarum limitem, & Orbis calcem,

Stygius Architectus

Idololatriæ Acropolin fecit.

Sic fundatur Impietas.

*Virtus medium: Scelera extremam occupant.*

Et Improbilas, ut limitaneus lapis, Orbem  
definit.

Hanc adeò dissitam superstitionis arcem,  
prima exploravit (a) Philargyria.

Nam detecta primùm à Lusitano Institore Ja-  
ponia,

Nautices non imperitam docuit avaritiam.

Cui Nauticus Magnes habendi Cupido,

ad argenteos (b) Japoniæ Triones  
proram obverterat.

At contra XAVERIUS,

Et suum secutus Magnetem,

MAIOREM DEI GLORIAM,

Japoniam non quæstûs profani:

Sed Christianæ Virtutis Emporium fecit.

Sed

(a) Avaritia. (b) Japoniam argenti feracem  
vide apud Bartoli in Vita Xav.

Sed jam oculos ad Emblemata reflecte.  
Cernis emicantem super Urbis Mœnia He-  
roem?

X A V E R I U M conjice,  
(a) è murali Corona, quam gerit.  
Hoc ille primipilæ Virtutis decus  
è lege Poliorcetica tulit.

Nam primus inscens Japoniæ manibus,  
Crucis labarum explicuit.

Jo Triumphe! io Victor! Jo Pœan!  
accine gloriæ Xaverianæ buccinatrix fama!  
Tu verò sparsa per Orbem SOCIETAS  
J E S U,

Ad hanc gloriæ Apostolicæ cotem,  
Virtutem æmulam acue.

Preme antesignani Tui vestigia  
si pares triumphos amas.

Nam *honor Virtutis pedissequus,*  
*alienam non rarò Virtutem pedissequam facit.*  
Vos verò, quos Orbis suspicit (b) Hieroglyptæ,  
Cedrino huic Emblemati,  
quam posteri legant Epigraphen incidite.

X A V E R I O J A P O N I C O.

Quod

(a) *Muralis est Corona, (ait Gellius. lib. 5. c. 6.)  
quâ donatur ab Imperatore, qui prius murum  
subijt, inque hostium oppidum per vim ascendit. vi-  
de etiam Lipsium de Milit. Rom. dial. 17. (b) Sunt  
Ægyptij, qui primi Hieroglyphica invenerunt.*

*Quòd inscensis Japonia Mauibus,  
 Militantis Ecclesie signa fixerit primus.  
 Meritos Corona Muralis honores gratulata,  
 Dignam Cedro Virtutem,  
 Cedro insculpsit,  
 secuta Ducem Legio,  
 Societas J E S U Japonica.*

## ELOGIUM XXII.

XAVERIUS in Japonia (a) Polyglossus  
 ab (b) Heteroglossis auditur & in-  
 telligitur.

### POLITICON.

(c) **C**oncordiâ res parvas crescere, è XA-  
 VERIO,  
 Discordiâ maximas dilabi, è Nembrodo  
 discite Politici.  
 Giganteæ (d) Turris, Giganteus Molitor Nem-  
 brod,  
 Molem Olympo æmulam decernit.  
 Ideam, Architectonices non imperita,  
 exhibet superbia.

Et

(a) *Multarum linguarum* (b) *Sunt populi di-  
 versæ lingue.* (c) *Vide Sententiam apud Sallustium.*  
 (d) *Gen. 11.*

Et in superba Nembrodi mente,  
 Superbæ structuræ exemplar delineat.  
 Sic ad prototypi mensuram, ætÿpon decer-  
 nitur ;

Quæritur par moli area,  
 in Campis Sennaar :

Jacitur pene altera Turris Babel in funda-  
 menta ,

Et tantæ arbori ferendæ,  
 radices aptantur, & truncus:  
 Tellure suffossâ prope fatifcente ,  
 Nam ut abortiva hæc proles, in lucem præ-  
 deat ,

Magnæ Matris alvus exenteratur.

Sic par Olympo moles surgebat ;  
 Dum harmonia linguarum Operis accineret.

\*Thebas dixisses,  
 absque Symphonia Idiomatum, non surre-  
 cturas.

His confusis, confunditur Nembrodi labor,

Inde Operi,  
 à linguarum, & Nembrodi *confusione*  
*Babelis* Nomen.

Discite discordiæ dispendia Politici !

At Nembrodo fortunatior  
 Architectus X A V E R I U S.

Hic Turrim Japonicæ Ecclesiæ erecturus ;

F De

\*Vide Natales Mythol. lib. 3. c. 15.

De Basilico Ecclesiæ Romanæ Augustali,

Ideam sumpsit.

quod basi petrinae innixum,

ad consonum Apostolicarum linguarum dode-  
•achordum

ceu ad Lyram Amphionis surrexerat.

Huic prototypo,

ut suum conformaret Eclypon XAVERIUS,

Æternaturam molem,

avitæ fidei Petræ superstruit.

Vices lapidum obeunt,

Dura proles Deucalionis,

duri Japones

At improbo ædilis labore,

tandem aptantur in fabricam.

Assurgit, ad Orthodoxæ fidei *Canonem*

Sacra moles

Et ne vel tantillum à recto declinet labor,

Unicam Cœlestis Architectonices bolidem,

structuræ admovet

*Majorem DEI Gloriam.*

Una ad operis Coronidem deerat,

Harmonia Linguarum.

ad quam Japonicæ hæ Thebæ assurgerent.

Ergo ne Babelem strueret XAVERIUS,

mirabili Idiomatum symphonismo,

fecere Superi.

Nam XAVERII sermo

bar-



barbaris auribus, ut Organo (a) hydraulico  
infusus torrens,

inæquales aurium Tubos ita ferijt,

ut alienigenam Sonum,

pro Indigena quisque exciperet.

Ita discors linguarum concordia,

è dissono, & consono coalescens,

structuræ Ecclesiæ Japonicæ accinuit.

Ad hanc Lyram,

Molem suam crexit X A V E R I U S,

Damno Nembrodæo cautior :

Cujus machina, ad linguarum dissonantiam,

ut Choreæ ad ruptas Cytharæ chordas consti-

terat.

Discite iterum pericula discordiæ Politici.

*Concordiâ res parvæ crescunt.*

Et, vel linguarum discordiâ

*Maximæ dilabuntur*

Nexu pene fatali

(b) Nam linguis discordibus, corda facilè dis-

cordantur,

Et per venam, linguæ, ac cordi conterminam;

velut per tubum,

facilè meat discordiæ pestis.

G 2

ELO-

(a) Est Organũ ex aquarũ artificijs cõstans, de quo  
vide Kicher. in Musurgia. (b) Venam esse linguæ, ac  
cordi conterminam, docet Andreas Wesalius, in Epi-  
tome libror. de humani Corporis fabrica cap. 4.

## ELOGIUM XXIII.

XAVERII prodigiosum in Elementa  
Dominium.

## \* EXEGESIS.

**P**AUCOS Elementorum juribus eximant  
Superi,  
pauciores præficiunt,  
quibus & Reges tributarios fecere.  
Quorum aurei Orbes,  
• intra unam Orbis Politici spharam circu-  
lantur,  
Nec ultra ad Elementarem assurgunt.  
Hinc absque discrimine,  
Et Reges ignis vorat, sorbent maria,  
Terra glutit, aer necat.  
Eorum est hæc immunitas,  
Quos gratiæ nobilior Regibus profapia,  
vocavit ad pileum.  
Hi elementari licet prognati parentelâ,  
genitoribus imperant,  
Et principibus rerum omnium Principijs  
principantur.  
Inde Thaumaturgorum nomen, Dignitas,  
Fama. Unum

\* Enarratio.

Unum ex his naturæ libertum,  
 imò Principem, accipe X A V E R I U M.  
 Dudum illi manumissionis Diploma,  
 scripsêre Superi  
 Tot firmum sigillis, quot signis.  
 Hoc ille non *ad pileum* vocatur, sed *Coronam*.  
 Nam Sphæræ Elementaris Thaumaturgus  
 Præfes,

Leges Elementis præscribit.  
 Sic nempe de Virtutis Culmine,  
 ad Thaumaturgi Culmen ascenditur.  
*Et passu eodem Virtutum Elementa,*  
*Et Elementorum Virtutem transilis*  
 Sed jam prodigiosam naturæ (a) ataxiam,  
 Xaveriano nutui subjectam,  
 stupete Philosophi.

Primas voraci Elemento dedit Leges *Igni*,  
 (b) Pamphagus hic Urbium decoctor  
 absumpto jam *Ucalegonte*  
*Æneam* servare cogitur.

Sic medias inter epulas  
 Unius Domunculæ offa, vesanæ familitat,  
 X A V E R I O (c) Modimperatore  
 Aliàs correptis jam ædibus,  
 uno X A V E R I I Satis

F 3

IN.

(a) *Disordinationem.* (b) *Omnia vorans* (c) *Est*  
*Symposiarcha, qui modum ponebat Epulis. Varro*  
*lib. 20.*

intra dentes famem cohibet,  
 Et ravidam ingluviem castigaturus:  
*à proprijs cineribus, dies esuriales orditur.*  
 Sed & Aër uni Cælo subiectus,  
 XAVERIO subijcitur.  
 Canite Æolum, sed citra fabulas Poëtæ.  
 Cujus nutui exlex Elementum obtemperat.  
 Nam jubente XAVERIO,  
 venti velis, non vela ventis aptantur.  
 Quin vel Orpheum inter malorum sylvas,  
 vel inter Delphinas Arionem æmulatus,  
 Turbulentum aëris Elementum,  
 ad leges Musicæ (a) pneumaticæ attemperat.  
 Organi vices, Oceanus subit;  
 Venti, ut Maris folles, organum animant,  
 Favonius, & Japyx.  
 Cæteri Maris Cacophonasci,  
 (b) Ecnephiæ, Typhones, Exhydræ, & Pre-  
 steres,  
 ad imperium XAVERII silent.  
 Sic ad harmonicam auræ (c) Eucrasiam,  
 subsiliunt rates,  
 Et læta, Chorago XAVERIO, explicant aplu-  
 stria.  
 Sed nîl Maris Imperio Divinius!  
 Refluus hic (d) Megacosmi sanguis  
 non

(a) Est quæ flatu constat. (b) Sunt nomina ventorū  
 turbulentorū. (c) attemperationē. (d) Magni mūdi.

non minùs ac (a) Microcosmi,  
suos patitur æstus.

(b) Luna Caniculæ loco calores ciet,  
Quâ crescente, ut oculi (c) Cynocephalo,  
Sic & Mari crescit furor.

Inde Oceani paroxysmus,  
Et fonticus pelagi Morbus, Tempestas.  
Huic vel unus Crucis Xaverianæ contactus,  
Medicinam facit.

Nam illico iratam resorbet spumam  
Phrenetica hæc bellua,  
Serenatur Cœli, ac refractus Maris oculus Sol,  
Halcyone jam secura nidulatur,  
Et lætum Typhis canit celeusma.  
Ita sanitati insanum redditur Elementum,  
Æsculapio X A V E R I O.

Tandem & Tellus imperata fecit.

Nam Matrem exuere iussa,  
Novercam induit,

Impios naturæ privignos castigatura.

Ergo ad X A V E R I I vocem Terræ uterus rum-  
pitur,

F 4

Ma-

(a) Parvi Mundi. (b) Lunam æstuum ac Tem-  
pestatum Maris causam esse, docet præter Plin.  
lib. 2. c. 97. Athan. Kircherus in Magno opere  
Mundi subterranei. (c) Est animal cui crescente  
Luna oculi crescunt, decrecente minuantur, Pie-  
rius in Hierogl. lib. 6. c. 2.

Matris viscera nudantur  
 Rebelles DEO gigantes Orco genitura, non  
 Cælo,  
 nî resipuissent.

Inter hæc Terræ fatiscentis tonitrua,  
 Terræ filios, velut Cerva, (a) Cælo genuit.

Nam metûs rigore  
 parvus Cælo gignendi subinde maturantur,  
 Quos amoris nimius Calor abortivos fecisset.

Habes XAVERII prodigia Lector,  
 Abi, & Tibi impera;

Sic quatuor Elementis,  
 Thaumaturgo major imperabis.

## ELOGIUM XXIV.

XAVERIUS in Mari Thaumaturgus.

(b) THALASSIARCHIA.

**N**OVUM Thalassiarcham XAVERIUM  
 præ (c) Venetorum Duce

fuspi-

(a) Cerva tonante Cælo territa gignunt, vide  
 Barrad. Tomo II. Comm. lib. 2. c. 14. (b) Mari-  
 tinum Imperium. (c) Dux Venetiarum injecto au-  
 nulo quotannis Adriam sibi desponsat, vide nostrum  
 Radaw in arte Orat. v. 270. vide etiam Cornel. in  
 c. 23. Isa. v. 10.

fuspice Italia.  
Hic Adriatici Maris, ille Eoi Sponsus:  
Hic annulo, ille æneâ Christi icone,  
sponsam dotat,  
Et Maritali Imperio subjeit.  
Sed fide dispari.

Nam Adria, sponsalitiâ fide violatâ,  
interdum & Venetos mergit:

Eoum Mare,  
vel inter adversa Naturæ Imperia,  
in fide XAVERII stat.

Vide prodigiôsæ fidei specimina.

Lapfa fortuito è XAVERII manibus in mare  
Crux,

Cancrum Regni Maritimi Civem,  
Urinatorem reperit.

Hic\* Maris Principem XAVERIUM véné-  
ratus,

Sacrum Simulacrum refert.

Nec absque reciproco XAVERII favore.

Nam Cancrî fidem in posteros missurus,

Vexillatam Crucem in dorso,  
velut Scuto Gentilitio gestare jussit.

Inde Crucigera Cancrorum propago.

Sed accipe Majora.

Procul dissitis, & pluribus naufragis

jam geminatus adest XAVERIUS:

F 5

U6

\*Vide historia seriem apud Bartoli in Vita.

Ut Geminos (a) Tyndaridas in uno notarent

XAVERIO,  
cui salutem deberent.

Jam procellas, ventos, fluctus,  
absque Æolijs catenis, & Neptuni tridente  
compefcit,

& verbo cicurat.

Inde Æolo, Neptunóque neglectis,  
Rei Nauticæ Numen, salutatur XAVERIUS.

Hunc certatim Navarchi prensant,  
Quin & malè cohærentibus navigijs,

Uno instructis XAVERIO,  
Gazæ Indicæ creduntur.

Adeò secura vehuntur navigia  
quibus ponderosa virtus, Saburræ locò est.

Sed & Mare Sinicum,  
perpetuis Ventorum prælijs infame  
(b) XAVERII Imperio, arma posuit.

Pacis sequestra,  
Tum Lipsana XAVERII, tum Effigies  
Ad cujus è malo appensæ conspectum,  
Velut ad Cynosuræ radios,  
sternuntur æquora, cadunt procellæ,  
venti silent.

Sed & Despoticam XAVERII Thalassiararchiam  
vide. (a) Hanc

(a) Sunt Gemini, propitia Nautis sidera. (b) De  
tranquillato hoc mari, per Xaverij Corpus, hæc  
transvectum, vide Bartoli in Vita.



(a) Hanc pertinax Scopulus sensit  
Dum ad solum X A V E R I I nomen diffractus

(b) *Virum saxum in Xaverio reperit.*

Audite prodigium !

Raptata ad Scopulum nâvis,

X A V E R I I exuvijs dives,

spargenda fuerat in frustra,

nî X A V E R I U M vexisset.

Ad cuius à Navarcho prolatum Nomen,

mille fluctibus indomita rupes,

uno cariosæ Carinæ impactu dissilit.

stupente vicissitudinem Neptuno ;

Cui naves in scopulos,

scopuli in naves mutati,

pro naufragio, scopulifragium exhibuêre.

Sic scopuli duritiam,

Sic Batavorum Pyratarum audaciam fregit.

En novum Imperij Maritimi portentum !

(c) Ne Roma Orbis Christiani Lipsanoteca

X A V E R I I careret exuvijs ;

Dexteram, tot prodigiorum opificem pren-  
saverat.

Sive osculum fixura, tot Palmarum Palmæ :

Sive hoc brachio, contra Idololatras,

Pe-

(a) *Vide hoc prodigium apud Bartoli in Vita.*

(b) *Anagrammaticè. (c) Romam brachiam S. Xa-  
verij delatum sub Claudio Aquaviva, vide Barto-  
li in Vita.*

Petri gladium fortiùs vibratura.

Ergo sacrum spolium

Oceani periculis, & Pyratarum avaritiæ exponitur.

Qui armatam XAVERII brachio classem ad-  
orti,

propè in saxa riguère.

Lembus ipse Pyraticus absque anchoris,

Tumentibus licèt carbasis stat.

Et XAVERIUS exertâ in hostem dexterâ fe-  
verus,

Hoste contempto prætervehitur.

Agnoscite è pollice Gigantem Batavi

Nec de Goa suo tuta XAVERIO,

(a) tentatos triumphos sperate,

qui ad solas XAVERII minas, obrigescitis.

## ELOGIUM XXV.

(b) XAVERIUS Solem jam mersum,  
super horizontem reducit, & nau-  
fragos servat.

### SIMILES.

**V** Etera Hebræorum prodigia,

qui

(a) *Goam Indiæ Caput, paucis ab hinc annis Ba-  
tavi obsedère, sed frustra.* (b) *Vide Boanert. in  
Ecclesiasticum, & Imaginem primi seculi Soc.*

qui in apographo legere cupis,

Acta XAVERII consule.

Solum hîc Loci, Temporis, ac Nominum  
discrimen;  
gesta eadem.

Thaumaturgus Moses

(a) *Armatis precibus* Amalecitas fundit,  
XAVERIUS Acenos.

(b) Ille Petrâ virgâ (Crucis symbolo) in aquas;  
Hic Cruce virgæ assymbolâ,  
Salsum Elementum in dulcorem eliquat.

Servati hoc prodigio,

Inde Hebræi, hinc vectores Indi didicere,  
uno Sanctorum molimine,

Et aquam è pumice,

Et pro Sale, dulcorem hauriri è Sale,

Neque Elementa segregentur à mixtis.

Jam (c) Moses Ægyptijs, XAVERIUS To-  
lanis

Thaumaturgâ manu gravis,  
plagas decuplat.

His elisâ contumaciâ

Divino honori litatum est.

Aliàs fidelis populi servator uterque,

(d) Moses manu, & virgâ,

XAVERIUS voce, & Imperio,

Tyran-

(a) *Exod.* 17. (b) *Num.* 20. (c) *Exod.* 10.

(d) *Exod.* 14.

Tyrannós hic fugat, ille mergit.

Unum propè Mosen diceret,

Illum Palæstinæ, hunc Indiæ.

At major Palæstino,

Indicus Josue XAVERIUS.

Solem ille stare jubet, hic regredi.

Ille extra (a) tropicos Solstitium facit,

Iste novum Soli tropicum designat.

Dum ab Occasu in Ortum,

super horizontem *reverti* compellit.

Respirant interim naufragi,

quorum vita, XAVERIO opitulante,

unà cum Sole ab occasu in ortum remeat.

Sed & renovatum (b) Achazi prodigium,

stupent Asiæ horologia;

Dum fatalem quondam Ezechiæ,

nunc Nautis gnomonem,

unà cum reducto Sole

ab ultima Vitæ linea,

ad anteriores retrahi vident.

Reliquus Orbis

novum in XAVERIO suspicit (c) Phaëtonem,

nec horret.

Qui injectis Solari currui habenis,

Temonem ab Occasu flexit in Ortum,

sed citra incendium Terrarum.

Nam

(a) *Tropicus dictus à revertendo* (b) 4. Reg. 20.

(c) *Fab. vide 2. Metamor.*

Nam exlegi licèt corporis solaris motu ,  
homines fervat quos Phaëton perdiderat.  
Nempe hunc ad Solares habenas admovit su-

perbia,

Illum Charitas.

Cujus ignes temperati Solis æmuli ,

Terras foveant , non lædunt.

At Superbiæ exerrantes flammæ ,

Orbem fumo , ac cineribus implent.

## ELOGIUM XXVI.

X AVERII postrema in Sinas expeditio.

### EPILOGUS.

**R**erum à X AVERIO postremùm gesta-  
rum,

Indicem cape.

Et de Epilogo fabulam ,

Et fabulæ actorem nosce.

Subactâ Christo Indiâ ,

Japoniâ initiatâ ,

Novum Orbem Terrarum animo destinat

SINAS.

Hoc Sinarum Imperio dedere Indigenæ No-  
men.

Nec inani Nomenclaturâ :

De

De muro Chinenſi, Orbis Sinici pomærio,  
 ut de ungue Leonem mectire.  
 Erubefceret cum Semiramide confuſa Ba-  
 bylon.

(a) Viſis his mænibus;  
 Et ſive alterum Orbem,  
 Sive alterum Orbis hæmiſphærium,  
 diceret Sinas.

Imperij amplitudini, par Sinicæ potentiæ  
 tumor.

Nec mirum.

Nam hominum ingenia cerebri more,  
 in (b) Panſeleno potentiæ (c) intumeſcunt.

Ergo ſua ſuperbi (d) αὐταρχία Sinæ,  
 Patriam Sacroſanctum alienigenis adyton de-  
 cernunt.

ex Superbiæ ſcilicet ingenio:

Quæ Majestatem viſam,  
 velut per Microſcopium minui docet,  
 auditam: velut per (e) Oticos fama tubos,  
 creſcere.

Hinc audita viſis plerumque majora.

Niſi

(a) Vide Juſtin. lib. 1. (b) Panſelenium, pleni-  
 ſimum. (c) Lunam plenam, ut multa ſublima-  
 ria, ſic & cerebrum animalium augere, docent  
 Philoſophi Tract. de Cælo. (d) Eſt ſufficiencia ſibi  
 ipſi. (e) Sunt Tubi auriculares.

Nisi fortè Hesperidum hortos (a) Patriam credant Sinæ,

Cui Barbara in advenas edicta,  
Draconis locò sint,

*Mala aurea, aurea mala, Opes.*

Sed & suum hic Draco Herculem reperisset,

in XAVERIO,  
nî fata obstitissent.

Ergo quid consilij capiat,  
Orbis Terrarum indigena XAVERIUS?  
puduit alienigenam à Sinis credi,  
Cui omne Solum Patriam, fecerat Virtus.

*Sed Barbaris,  
ut Virtus, sic & Virtutis privilegia ignota sunt.*

Ergo desperatò à Virtute consilio,  
ad ingenium convolat:  
Ratus alas, quibus Muros Chinenfes transvolaret,

(b) petendas à Dædalo.  
Ergo adamantinis Sinarum feris,  
clavim auream adaptat.

Nam Regis Lusitani Nomine,  
Legationem auro gravem,  
in Sinas promovet.

Gnarus, tam bello quàm pace

G

au-

(a) Vide Natal. Mythol. lib. 7. c. 1. (b) Vide Pausan. in Bæoticis.

aurum feliciùs tractari, quàm ferrum.

Ipse fidem pro auro,  
De Sacris Vaticani fodinis erutum, laturus,  
Sub Lusitani Collegati forma,  
Cœli Legatum agit.

Cui non Gentium, sed Cœli jure, Sinæ  
pateant.  
Sic progressa secundo cursu, Malacam usque  
consilia.

Sed non plus ultra.  
Nam freti aulici Typhones  
Invidia, & Superbia,  
Nimbos excivêre,  
Quos Athaides, velut alter \* Orion,  
Lucidum Aulæ Lusitanæ Sidus, sed tem-  
pestuosum, densaverat.

His jaçtatus, cum Jacobo Pereria Legato  
XAVERIUS,  
Sinica consilia afflixit ad Scopulum.

Ita serò didicit,  
*Japonicis Typhonibus, Invidia turbines,*  
*savire gravius.*

*Et in Aularum Cælo,*  
*sub Cynosurarum specie palliari Cometas.*  
Sed æstuosa hæc fortuna

Eurip-

\* De Orione Tempestuoso vide Natal. Mythol.  
lib. 8. cap. 12.



Eurippum in X A V E R I I mente non fecit.

Qui devotâ, cum Athaide, Diris Malacâ ;

De Sinici consilij statu , non migrat.

Sed ferreo Sinarum muro , pectus aheneum  
objicit.

Certus, aut Sinarum fores rumpere, aut vitam.

Ergo pacto cum Nauta pretio,

vili lembo ingentem X A V E R I U M committe-  
re statuit.

Minùs de naturæ fide securus ,

quàm de salute navigij.

Nempe majorem Cæsare X A V E R I U M ve-  
cturo.

Sed punicâ demum fide ,

Solam Sinarum spem , pretio emerat X A V E -  
R I U S.

Sic frustrato supremo hoc cònatu ,

Sinica demum se Littora arâsse ingemuit ;

sed , unde fruges colligerent Superi.

Nam in hoc littore ,

X A V E R I U S destinata Cœlo Messis ,  
tandem maturuit.

Sic vel arata littora fruges ferunt ,

ubi Calor Virtutis ,

per adverforum antiperistasis intenditur.

## ELOGIUM XXVII.

XAVERII in Sanciano obitus.

## DOCUMENTA.

**H**Uc, relicta tantisper Peripato,  
adeſte Philoſophi!

Stoam in Sanciano erigit XAVERIUS,

Qui peripatum inambulârat Pariſijs.

Hic ſepoſito Patre, Avum audietis  
Platonis Nepotes.

Cujus ventilandam Theſin,  
moriens proponit XAVERIUS:

\* *Philoſophia Mortis Contemplatio*

Suum tamen Magiſter exiget Minerval,

Veſtram de hac Theoria praxin.

Ergo ſub ſtraminea porticu,  
aureum dogma accipite:

*Diſce mori.*

Triumphato jam reliquo Oriente,  
Sinas novis triumphis XAVERIUS,

XA-

\* *Tribuit hanc Theſin Platoni Plutar. lib. de placit. Philoſophor. Quicunque Philoſophia ſtudium, rectè & verè ſunt amplexi, eſi reſciunt hoc alijs, aliud nihil cogitant, & ſtudent, quàm abire, & mori. Plato in Phadone.*

X A V E R I U M Cælo destinant Superi ;  
Dum inter Sinicos assultus , sternunt.  
Discite tam sacræ , quàm profanæ Polemicæ  
dogma,

(a) *Imperatorem , stantem mori oportet.*

*Nec honestiùs cadere Ducem ,  
quàm sub hostium manibus.*

In ipso Sinicæ expeditionis æstu ,  
placidus cadit X A V E R I U S ;  
nec Superum (b) Proncæ obgannit  
Disce Stoicorum dogma.

*Non exturbari , sed sponte ire , quò tendunt  
omnia.*

*Non fugere de vita , sed exire  
frustra fatis obsisti.*

*Nam ducunt volentes fata , nolentes trahunt.*  
Lapidum , Sagittarumque igni , innoxie de-  
pluo,

Barbarorum Exercitibus ,  
Pyratis , Anthropophagis ,  
Typhonibus , Scopulis , Naufragijs ,  
Tartaro ipsi superstes X A V E R I U S ,  
placidus in Littore moritur.

Disce :

G 3

Tan-

(a) *Vespasianus Augustus , morti proximus , ni-  
hilo minùs muneribus Imperatorijs fungebatur di-  
cens : Imperatorem stantem mori oportere. Sueton.  
in Vespasiano. (b) Providentia.*

*Tantundem semper à morte abesse Mortales ,  
Nam saepe fata minantur, nec feriunt ,  
saepe feriunt , nec minantur.*

*Extinguitur in Sanciano , altera Thūle ,  
Negatur Regiæ Stirpi supremum vectigal ,  
lacrymæ.*

*Iusta , Inferias , Parentalia ,  
Rogum , Urnam , Tumulum ,  
componit nemo.*

*Absunt Tibicines , Præficæ ,  
Pollinctores , Libitinarij ,  
(a) Offa Ægypti pyramide digna ,  
vilis cespes tegit.*

*Dilce. :*

*Omne solum forti , & patriam esse , & tumulum.  
Molliter quiescere ,*

*gem Virtus ad Divorum (b) pulvinaria evexit.  
Nam Terram gravem pati non potest ,  
qui Terre gravis non fuit.*

*Sed nec fati genus , inculcat XAVERIUS.  
Plantatam ille ad sanguineos rivos Laurum ,  
frustra per Martyrium prensaverat ,  
Dum lethi vulgaris Cupressum , pro Lauro  
messuit.*

*nec*

*(a) Pyramides Regum Ægypti fuisse sepulchra ,  
docet Herodot. in Enter. & Diod. Sicul. lib. 1.  
(b) Erant lectuli Dijs dicati , in quibus simulacra  
reclinabantur, vide Cic. pro Domo sua.*

nec expers votorum.

Nam ut purpuratus Cœlum intraret,  
(a) flore sanguinis sudore, chlamydem pinxit,  
Quem laboris Apostolici Murex profuderat.

Disce

Nemini ad Cœli purpuram, aditum præcludi  
Nam *de laboris Murice sudor nascitur,*  
*purpurâ nobilior*  
*Unde trabeam triumphalem tingas.*

## ELOGIUM XXVIII.

XAVERIUS post obitum incor-  
ruptus.

### POLLINCTURA.

**N**Ec udus Cedrio, nec opobalsamo XAVERIUS,

G 4

absque

(a) *Jacobus Hollerius in 36. aphorismum Hypocratis, ait: Sudorem esse portionem tenuioris alimenti tertia concoctionis, id est sanguinis defæcati. De Murice vide Plin. lib. 9. c. 25. (b) Plin. lib. 16. c. 11. Cedrij (ait) tanta vis est, ut in Ægypto Corpora hominum defunctorum eo perfusa seruentur. Est autem pix liquida ex tæda excocta. vide Rader. in Martial. lib. 3. Epig. 2.*

absque (a) Myrrha, Cinnamis, asphalto,  
Integer tamen, olim vitæ, nunc Corporis,  
Jam alterum videt sæculum.

O prodigia!

Huc (b) Sepulchri Mortales!  
Pumili Gigantes, Terræ filij,  
at quos Patriæ, & natalium pudet,  
Novam citra Ægypti Myrothecia,  
discite pollincturam

à XAVERIO.

Hac delibuti,  
Sepulchris Majorum Amaranthos inferetis,  
pro Cineribus.

ipso feliciores Mausolo.

Quem (c) Caria Regna imperantem vidère,  
sed Cariei subiectum.

Ergo prodigium novæ Pollincturæ accipite.  
Vulturem induta sæva Lusitanorum pietas,  
fami verè sacræ,

de sacris XAVERII lipsanis fecerat opso-  
nium.

Hinc lentâ tæbe fluxurum Cadaver,  
in Cineres urgent,

Dum

(a) Sunt amuleta putredinis. V. Plin. lib. 11.  
c. 37. & lib. 12. de asphalt. vide Plin. lib. 35. c. 15.

(b) Accipitur pro unguentario effeminato. vide  
Lamprid. in Heliogab. (c) De Mausolo. V. Plin.  
lib. 36. cap. 5.

Dum edaci calce resperſa membra,  
 Sarcophagæ Telluri infodiunt.  
 Offium analeſta ſervaturi Luſitaniæ.  
 Sic panditur ex animi X A V E R I O,  
 clauſa in vivis Sinarum terra:  
 ut vel poſthumus Sinarum reſerator audiret.  
 Sperate ſacra Georgica Socij,  
 Cœleſtes Coloni.

Nam in jaſta, in humum Sinicam, hæc Se-  
 mente,

ſpes viret Chriſtianitatis Sinicæ.

Plaudite Romani Proceres!

Erigendæ in Sinis Eccleſiæ,

primus hic lapis,

fundamentis auſpicium faciet.

Vos modò Ædiles ſubmittite.

Jam Terræ, Calcis, ac Temporis edacitas,  
 faturari poterant X A V E R I O.

Ergo Indias revifuri Luſitani Inſtitores,  
 à Sinarum Terra,

pretioſum repetunt depositum,

X A V E R I I Cineres.

ijs vel Artemiſiam, ſuo viduam Mauſolo,  
 Indiam ſolaturi;

vel ſuis inde navibus Saburram facturi,

contra \* Typhones Japoniæ. Of-

\* Typhones Mari Japonico infeſtos poſt deporta-  
 ta per illud Xaverij liſſana conquieviſſe docet Bar-  
 toli in Vita S. Xav.

• Ossa Europæ destinant,  
Hoc interim Eboris Indici pensuri vectigal,  
Terrarum Reginæ.

Sic panditur tumulus,  
urna legendis cineribus expeditur;  
sed suâ delusi spe Vespillones,

(a) Amaranthum legunt pro cinere.

Nam labis expers XAVERIUS,  
Anthropophagæ Telluris dentes non sensit.

Tori, pulpæ, Coxendices,  
dubios reddunt Libitinarios,  
vivumne exhument XAVERIUM, an mor-  
tuum?

Balsamum in calce,  
Cedrinam Sandapilam in putri gleba,  
Vitam in exanimi corpore,  
stupent Archiatri.  
Sed & confusam Ægypti Regum, notant super-  
biam,  
quorum Cadavera,

(b) Regalis Pollincturæ beneficio,  
immortalitati destinata;  
jam mixtam balsamo halant Mephitim,  
Et mutuatos in pollinctura liquores,

cum

(a) *De Amarantho immarcescibili rectè Plin.  
lib. 21. c. 8. Amarantho, non dubiè vincimur.*

(b) *De pollinctura Regum Ægypti Plin. lib. 13. c. 1.  
Raderius in lib. 3. Epigr. 9.*



cum fœnore faniei refundunt.

Interim X A V E R I U S absque balsamo balsama  
spirat,

quibus Cœli Sepiasaria Pudicitia,  
pijssimum X A V E R I I corpus imbuerat.

Hinc sua exanimi X A V E R I O anima.

Discite novum pollincturæ genus,

(a) amaranthophili Mortales

P U D I C I T I A M.

Nemo à putenti (b) Aphrodisiæ spuma  
vigorem expectet,

• Sola CASTITAS

etiam post fatale (c) Θ, Athanasios facit.

## ELOGIUM XXIX.

Iconis CRUCIFIXI, & X A V E R I I la-  
borantis

### SYMPATHIA.

Sympathicis motibus,

æquæ

(a) Incorruptionis amantes. (b) Est Venus orta  
e maris spuma (c) In Judicijs erat quondam signum  
condemnationis ad mortem, quod sit prima litera  
voeis Thanatos. vide Pers. Sat. 4. Alexandr. Neapo-  
lit. lib. 3. c. 5. & Tiraquel. ibid. Et Rader. in Epigr.  
31. lib. 7.

*aquæ gratia urgetur, ac natura.*

Novum hoc Theosophiæ arcanum

aperit XAVERIUS.

Adeste Theosophi ;

Et novum dogma trutinæ Theologicæ sub-  
jicite.

(a) Popularem dogmati fidem adstruunt,  
Tabulæ, Jusjurandum, Testes.

Sacram vestra dabit crisis,

(b) Nam *Lydiæ Theologia Lapis,*  
*aurum tandem distinguit à Scoria.*

Ergo dogmatis argumentum accipite.

Sudantem in Sole, ac pulvere Indico XAVERIUM,

In Icone CRUCIFIXI, Arce XAVERIO sita,

(c) velut Smaragdino Neronis speculo,  
Europa vidit.

Nam pressio gravioribus ærumnis XAVERIO,  
Sympathico Sudore madebat Icon;  
eundem tersura, eodem respirante :

Crederes,

Nunc eidem utrumque obnoxium Soli, ac  
pulveri,  
Nunc umbræ.

Ex

(a) *Bartoli Vita lib. 4.* (b) *De natura lapidis Lydij, vide Plin. lib. 33. c. 8.* (c) *Nero Princeps, gladiatorum pugnas spectabat in Smaragdo Plin. lib. 37. c. 5.*

Ex hac *Sudoris* velut (a) *Hydromantia*,  
de X A V E R I I ærumnis *divinabat* Europa.

Quas plùs quàm Herculeas fuisse,  
mixtus Sudori Cruor arguit.

Supremo X A V E R I I anno largiùs fusus,  
Apostolicos motus in fine velociores docuit.

At in morte largissimè stillans,  
Iridem exhibuit,

transactæ jam hyemis Xaverianæ nuntiam.  
Atque hæc nostra de Sudore portentoso Hydro-  
mantia.

Quid vestra Physiologi, Astrologi, Theosophi?

Phlebotomam dicite Physici hanc Iconem,  
X A V E R I O venas flammeis sagittis incidente:

Quas, inter Sagittarios Indos,  
potentiùs vibrare didicerat.

Gnomonem dicite Astrologi,  
Sudoriferam hanc Crucem;

Qui Xaveriani Sudoris fluxus,  
velut (b) Hydraulici decrementa horologii  
fignet.

At Theosophi,

Sacram inter utrumque Sympathiam asserite,  
Sympathiæ radicem,

morum, ac genij inter utrumque Sympho-  
niam.

Nam

(a) *Divinatio facta ex aquis.* (b) *Est ex aqua-  
ticiis artificijs confectum.*

Nam, \* ut natura, sic gratia,  
 unâ basi Sympathiam fundant;  
 Similitudine.

Hæc morum, ac virtutis,  
 Illa humorum, & complexionis.

Tu verò de Sympathicis his motibus.  
 collige Europa;

Quàm gemellus Christo fuerit XAVERIUS!

Sed & technas amoris agnosce,

quo XAVERIUM deperibant Superi,  
 Dum Christi æmulas XAVERII Virtutes,  
 in Indicis latebris sepultas,  
 prodigioso hoc Sympathiæ portento  
 produxerunt in Solem.

Imò absque portento

Nam utriusque Virtutum homogenea Sym-  
 metria,

Sympathiam necessariò gignit.

ELO-

\* *Andi Joan. Fernel. Medicum Parisien. Etiam-  
 si, ait, multa inter se conferamus, necesse est omni-  
 no, has illorum proprietates, aut similitudine quâ-  
 dam, & affinitate sibi consentire, aut dissimilitudi-  
 ne, atque dissidio adversari. Hinc Sympathia, id  
 est consensiones, & dissensiones profectæ sunt. lib. 2.  
 de abdit. rerum causis cap. 17.*

# ELOGIUM XXX.

XAVERII stupenda in Æde Cottatensi  
prodigia.

## PHARUS.

**E**Xtinctam (a) Ægypti Pharon,  
ne flete Navarchi;  
(Nisi superstes tantis ignibus vanitatis fumus  
lacrimas vel invitis cieat)

En novam Oceani Pharon,  
alteram Maris Indici Cynosuram,  
Exhibet Cottata.

Vicus est dorso Comorini incumbens,  
Qui nū dudum extinctas Ægyptiæ Phari lam-  
pades,

Radijs Ædis Xaverianæ, exoculâsset.

Dicite Pharum Indiæ,  
obliteratâ Ægyptiæ memoriâ Nautæ,  
Scribite Cosmographi, (b) Ichnographi  
pingite

Veterem illam (c) Ptolomæus Philadelphus,  
Ægypti Monarcha,  
Hanc XAVERIUS, Orbis Thaumaturgus ac-  
cendit. Illa

(a) De Pharo. vide Plin. lib. 36. c. 12. (b) De-  
lineatores. (c) Ita Plin. lib. 36. c. 12.

Illa de septem ,  
 Hæc de mille mundi Miraculis  
 non una , sed prima.  
**Videte jubar prodigiorum attoniti Mortales ,**  
 Et Sententiæ subscribite.  
 Thaumaturga hîc XAVERII Icon ,  
 lucem prodigiorum spargit.  
 Nam phosphoræ ipsæ lampades ,  
 è tholo Xaveriano appensæ ,  
 \* Non ignibus lucent, sed prodigijs.  
 Harum ellychnia ,  
 lethali suo toxico vivunt , aquâ.  
 dum aquam fugunt pro oleo.  
 Stupent Ignes aquarum alumnos Indigenæ ,  
 Et antipathica Elementa ,  
 de antipathico alimento ,  
 vivere mirantur.  
 Vident accensas Vulcani cum Tethyde  
 jugales tædas ,  
 Nec ulla connubij tam illegitimi divortia.  
 Sic portenti jubar per Orientem spargitur ,  
 Et navibus ad prodigium excîtis ,  
 Pharon exhibet.  
 Adfunt Barbari , novum illicò daturi pro-  
 digium ,  
 nec abfimile  
 Nam de Thaumaturgis lampadibus ,  
 fidei  
 \* *Vide Bartoli Vita lib. 4.*

fidei lampadem accendunt;  
 Ita rursum de aquis ignes vivunt,  
 Dum de aqueis lampadibus,  
 Fides lumen, Charitas ardorem trahit.  
 Sed & inde jubar, Phari Cottatenfis disce;  
 quòd vel effossis \* stirpitus oculis illuxerit.  
 Nam elisos pyrio pulvere oculorum orbes,  
 ad Divi Iconem recepit Barbarus.  
 Sic oculos,  
 pulcherrimam vultûs humani formam,  
*Subjecto jam propè incapaci*  
 restituit X A V E R I U S.  
 Felix hic Barbarus!  
 Qui in tristi oculorum naufragio  
 Thaumaturgam Cottatæ Pharon  
 lætus, ac sospes aspexit.

## ELOGIUM XXXI.

X A V E R I U S sævissimam Pestem Neapolitanam, & præfagit, & fugat.

### PARÆNESIS.

**M**agna Urbes, magna Sepulchra,

H

Et

\* Oculos stirpitus effossos Babaro restituit. Bartol.  
 lib. 4. Vita.

*Et Cadaver grande, de grandi Corpore.*

Audi gnomen delicioſa Italia,  
Cui Flos Urbium Neapolis ſubſcribit.

Hæc moli ſuæ impar,  
ſuâ ſibi nuper populofitate,  
prope exitium tulit.

Et quid aliud à magnis Urbibus expectes?

*Nam Populoſitas (a) Epidemia ſemen eſt.*

Hoc malo dum Italica Tempe aſſantur,  
Diſcite Sybaritæ, & Sardanapali,  
Neque (b) Bajæ fontibus, nec lacubus Lucrinis,  
Nec Cœlo Tuſculano,  
Nec Campanis delicijs fidendum.

Diſcite,  
de quavis uligine facilè Pythones naſci,  
Nec ipſam (c) Urbem Pandoram Neapolim  
Virulentâ pyxide carere,  
quâ Cives necet.

Sed & advertite, nunquam totos irasſci Superos.  
Nam grandi malo, Magnum oppoſuère Æſcu-  
lapium,

Thaumaturgum XAVERIUM.

Hic malo lethali proviſurus,  
Malum prævidit,

Dum

(a) *Eſt morbus popularis, de quo vide Fernel. lib. 2. de abdit. rerum cauſis cap. 12.* (b) *Loca ſa-  
lubri aſanitate celeberrima.* (c) *De Pandora py-  
xide. vide Natal. lib. 4. Mythol. c. 6.*



Dum in Icone sua,  
 futuræ cladis prognosin fecit.  
 Erigere in spem prostrata Neapolis!  
 X A V E R I O succollante, tota non rues;

Nam:

*Nemo melius malis providet, quàm qui prœvidet  
 mala,  
 Et qui mala futura prospexit,  
 præsensibus prospicit.*

Sic futuræ cladis prognosticon facturus,  
 futuram Urbis faciem, in facie delineat,  
 feralis Tragœdiæ, feralem prologum.  
 Dum vivis Iconis coloribus, luridum pallor-  
 rem suffundit.

Picti oculi, veris innatant lacrimis,  
 Et veram Urbis deplorant Catastrophen.

Sic charæ sibi quondam Urbî,  
 lacrymarum vœtigal,  
 anticipatò persolvunt.

Hinc Cives veri (a) Neeromantæ,  
 fata sua legunt;

Et de vultûs Xaveriani indice,  
 supremam horam numerant.

Sic sævâ tandem lue, vastatur Neapolis,  
 Et tristissimâ Metamorphosi,

Italiæ (b) Hygiasteriû, in Noscomium vertitur.

H 2

Adeo

(a) Mortis suæ præsagi. (b) Loc<sup>o</sup> ad quē homines  
 cōfluunt sanitatis tã trœda quàm recuperandæ causâ.

*Adeo corruptio Optimi, pessima!*

Succedit Mors ipsa, suo instructa luxu,

Nam pro Erythræis Carbunculis,

pestiferos (a) anthraces,

pro Orientalibus Cimelijs,

Lethales (b) bubones urbi invehit.

His plus viginti hominum Myriades absumptæ,

Urbem vertère in Sepulchretum;

Dum sublatis Libitinarijs, & Vespillonibus,

sparsa per Urbem Cadavera putruère.

Ita prope interijt Neapolis.

Discite Mortales,

quàm graviter ruant, quos DEUS prostermit!

Ponite sceleribus modum,

Nam hæc Confluentis more,

aggerem tandem Divinæ Clementiæ rumpunt.

Hoc effraçto

Divina Nemesis,

in fontes non fluit, sed rapitur.

Jam quid agant semineces Reliquiæ?

Nova quotidie alendæ pesti suppetunt fomenta,

Nam funestâ vicissitudine,

Cada-

(a) *Est ulcus, quasi ex unctione ut docet Galen.*

(b) *Sunt tumores interdum pestiferi de his, vide Plin. lib. 27. c. 5.*

Cadavera de peste, de Cadaveribus pestis.

At erigere prostrata Neapolis.

Sæpe *spei causa desperatio est*,

*Et tum serenum imminet, cum Tempestas in sum-*  
*mo est.*

Fata nuper Tua de vultu X A V E R I I legisti,

Nunc vitam de manibus lege.

Jam desperatâ à terris salute,

Cœlum respectat Neapolis.

Inde repullulanti Hydræ,

Herculem petitura:

Servatorem Neapolis X A V E R I U M.

I fama !

Et triumphali sono prodigium câne.

Ne dubitaret, cui vitam deberet Neapolis,

post appensa Divo anathemata,

Nuncupata vota,

Decreta supplicia,

ipso X A V E R I I Natali renascitur.

Hic funerum terminus.

De ægris decedit nemo,

nemo de valentibus ægrescit.

Vertite Epicedium, in Genethliacon Sirenes,

Dum Urbium Phœnix Neapolis,

Ad Xaveriani Natalis Solem,

de cineribus \* palingenesiam celebrat.

At Tu Clientelari jure, jam Urbs Xaveriana,

H 3

Te

\* *Regenerationem.*

Te Tuo Servatori redona  
 Patrem Patriæ agnosce, saluta, cole.  
 Sed & *novo* jam vigore, *novis* Incolis  
*Nova* XAVERII Clientelâ,  
 ex vero *Neapolis* audi.

## ELOGIUM XXXII.

XAVERII beneficio Marcellus Mastrillus & vitæ redditur, & Martyrij laureâ potitur.

### (a) *ANTHOLOGIA.*

**E**T hoc delicijs debebatur Tuis (b) Parthenope  
 Urbs Virginea, Ver & Flos Italiæ.  
 Campana Tempe, Neapolis,  
 Ut ad Xaverianos favonios,  
 fœcundior effloresceres.  
 Celebrate anthologiam Cives,  
 & renatum ad XAVERII cœlestes afflatus,  
 Stratum ad Japonicos turbines,  
 Neapolis florem colligite,  
 Hyacinthum.

Mar-

(a) *Id est florilegium.* (b) *Dicta ab una Sirenium ad Neapolim mersa,*

Marcellus Mastrillus hic est,  
Neapolitani Sanguinis flos,  
Qui in \*Zephyris favoris Xaveriani,  
Zoophoros expertus.

In ipso funere ad vitam reffloruit.

Hic ille est Mastrillus,  
qui destinatum jam Cupresso caput,  
Teste, sed invidente X A V E R I O,  
Japonicæ laureæ devoverat.

Nam medente X A V E R I O,  
Malè malleati capitis repente integer,  
stupente ad portentum Europâ,  
spirantibus Sospitatoris favonijs,  
in Japoniam appellit  
Barbarum hoc Solum, generosam hanc stirpem  
decuerat

*Nam molles planta durum Solum non ferunt.*

Ergo ferali Scrobi,  
velut radices acturus infoditur,  
Inimicus aquei tormenti Imber,  
irrigui vice est

Hoc antiperistaticè  
intendit calorem Charitas.

Unde in florem Japoniæ maturescit Mastrillus.  
triplici, ut cæteræ Stirpes Nutrimeto,  
Terrâ, Aquâ, Calore,

H 4

Sed

\* Zephyrus est ventus vitalis, dictus quasi Zoo-  
phoros vitam ferens.

Te Tuo Servatori redona  
 Patrem Patriæ agnosce, saluta, cole.  
 Sed & *novo* jam vigore, *novis* Incolis  
*Nova* XAVERII Clientelâ,  
 ex vero *Neapolis* audi.

## ELOGIUM XXXII.

XAVERII beneficio Marcellus Mastril-  
 lus & vitæ redditur, & Martyrij  
 laureâ potitur.

### (a) *ANTHOLOGIA.*

**E**T hoc delicijs debebatur Tuis (b) Par-  
 thenope  
 Urbs Virginea, Ver & Flos Italiæ.  
 Campana Tempe, Neapolis,  
 Ut ad Xaverianos favonios,  
 fecundior effloresceres.  
 Celebrate anthologiam Cives,  
 & renatum ad XAVERII coelestes afflatus,  
 Stratum ad Japonicos turbines,  
 Neapolis florem colligite,  
 Hyacinthum.

Mar-

(a) *Id est florilegium.* (b) *Dicta ab una Sire-  
 num ad Neapolim mersa,*

Marcellus Mastrillus hic est,  
Neapolitani Sanguinis flos,  
Qui in \*Zephyris favoris Xaveriani,  
Zoophoros expertus.

In ipso funere ad vitam refloruit.

Hic ille est Mastrillus,  
qui destinatum jam Cupresso caput,  
Teste, sed invidente X A V E R I O,  
Japonicæ laureæ devoverat.

Nam medente X A V E R I O,  
Malè malleati capitis repente integer,  
stupente ad portentum Europâ,  
spirantibus Sospitatoris favonijs,  
in Japoniam appellit  
Barbarum hoc Solum, generosam hanc stirpem  
decuerat

*Nam molles planta durum Solum non ferunt.*

Ergo ferali Scrobi,  
velut radices acturus infoditur,  
Inimicus aquei tormenti Imber,  
irrigui vice est

Hoc antiperistaticè  
intendit calorem Charitas.

Unde in florem Japoniæ maturescit Mastrillus.  
triplici, ut cæteræ Stirpes Nutrimeto,  
Terrâ, Aquâ, Calore,

H 4

Sed

\* Zephyrus est ventus vitalis, dictus quasi Zoo-  
phoros vitam ferens.

Sed ævum, florum more non tulit.  
 Nam Japonicâ falce tandem demessus,  
 Ferruginei Hyacinthi more elanguit.  
 Collige cadentem florem florum Patria Nea-  
                                 polis,  
 Nec floris jaçturam luge.  
                                 Erit Tempus;  
 cum aspirante XAVERIO,  
 annuente Româ honorum arbitra  
                                 de purpurato hoc \*Hyacintho  
 Sanctiora veteribus celebrabis Hyacinthia.

## ELOGIUM XXXIII.

XAVERIUS Potami Thaumaturgus.  
 EUCHARISTICON.

**V**estra hîc Potamum implorat subsidia  
 Gratiarum suavissime Ternio,  
 Aglaïa, Thalia, Euphrosine;  
 Ut contracta apud XAVERIUM nomina  
                                 exoluat.  
 Nemo vobis huic muneri aptior.  
 Nam immortalibus XAVERII in Potamum  
                                 meritis,  
                                 ex æquo respondent,

*Im-*

\* De Hyacinthijs nocturnis sacris, olim à Luc.  
 celebratis, vide Metamorph. lib. 10.



*Immortales Gratia.*

Ergo adeste.

Et five per Hyblæ, five Pæsti,  
sparsæ Viridaria,

lectos jaticos flores, in (a) Pancarpias con-  
texite

Coronam daturus, Cœlesti Archiatro XA-  
VERIO.

Hanc dum Sacro Vertici imponitis,  
hoc Potami nomine,

Servatori suo,

Aglaia pangat Eucharisticon.

XAVERIO POTAMIENSI.

*Quod absque florum, ac herbarum Virtute,  
Morborum Examina Potamo depulerit.*

*Cephalalgiam, Odontalgiam, Epilepsiam,  
absque (b) Cariophyllis,*

*absque (c) Chelidonia Ophthalmiam,  
absque (d) Melisophyllo Cardiacos dolores.*

*Innumeros februm astus, absque (e) Nymphaa;  
Absque (f) rosis ulcerosas periplegmonias,*

Hic

Carci-

(a) Sunt Coronæ e varijs floribus. (b) Vide Schröderum lib. 4. Classe 1. n. 79. (c) Chelidonium visui saluberrimam Hirundines monstravere. Plinius lib. 8. c. 27. (d) Vide Schröder. lib. 4. Class. 1. n. 207. (e) Schröder lib. 4. Class. 1. n. 232. (f) Vide Plin. lib. 21. c. 16. Fernel. lib. 5. c. 3.

*Carcinomata, Maniam, Hypochondriam  
absque (a) Helleboro.*

*absque (b) Meliloto tumores,*

*(c) Dictamno ictus venenatos,*

*Arthritidem, Calculum, Icternum*

*absque (d) Verbena:*

*(e) Baccâ lauri Paralyses, & Colicas.*

*Mille alias pestes,*

*absque alijs antidotis Herbarum,*

*Has de triumphatis jatricis floribus pancarpas,*

*Claro prodigijs Vertici,*

*Potamum apposuit.*

*Aglaïam, suo amæna virore excipiat Thalia,*

*At Amaranthino ferto instructa,*

*Hoc ad coronandi sacri Verticis triumphos,*

*accinat (f) propempticon.*

**XAVERIO POTAMIENSI,**

*Vite ac Mortis arbitro,*

*Quod quinquaginta jam flaccidas,*

*septem ac viginti omnino emortuas,*

*Vite humanæ Stirpes,*

*ad vitam revirescere fecerit,*

*Im-*

(a) Vide Plin. lib. 25. c. 5. (b) Vide Schröder. lib. 4. Class. 1. n. 206. (c) Plin. lib. 8. c. 27. Dictamnium extrahendis sagittis cervi monstravere. (d) Schröder. lib. 4. Class. 1. n. 353. (e) Schröder. lib. 4. Class. 1. n. 184. (f) Est Carmen, quod comitatur ipsam actionem.

*Immortale hoc germen,  
Spharicam, termini expertem figuram complexum,  
in aternaturæ gloria diadema,  
contextuit;*

*redivivus de tot funeribus,  
Vicus Potamiensis.*

Tandem, & Euphrosine  
Explicato de more in lætitiâ vultu,  
hoc binis Sororibus,  
subjiciat Epiphonema;

XAVERIO CALABRICO  
*quod involuntam, tot cladum mœrore*

CALABRIAM,  
*thæumaturgo suo splendore,  
in suo Potamo*

*ad hilaritatem explicuerit:*

*Unum de mille Calabrisis floribus,  
Calabria radiantissimo Soli,*

*Sui obsequij Symbolicum argumentum,  
dedicat Heliotropium.*

*Sympathico suo Sideri  
obversa semper, cum suo Potamo  
Calabria.*

ELO.

## ELOGIUM XXXIV.

DIVUS XAVERIUS in Regno Boëmiæ  
Thaumaturgus.

## V I C E S.

**T**andem peragrato prodigiorum cursu,  
Cœli Christiani Zodiaco

(a) *Leonem Boëmicum* subintrat

Sol Orientis XAVERIUS!

faceffe frigidum Aquilonis sidus Luthere,  
Gratâ vice Boëmicum vertitur Cœlum.

Nam intensam per Te,

patriarum Hæreseon hyemem,

*Sol in Leone* dissipat.

Sperate avitæ pietatis annonam,

Sacri Triptolemi, Boëmici Præsules:

Nam sub errorum pruina, viridis Virtutum  
Messis,

sub æstivo hoc sidere flavescet.

O lætas vices!

Tu quoque Boëmici Capitoli, non servator,  
Sed proditor (b) *Anser*

fo-

(a) *Leo Regni Boëmiæ insigne* (b) *De servato An-*  
*serum vigilantiâ Capitolio. vide Plin. lib. 10. c. 22.*  
*Livium lib. 5. Dec. 1.*

solum verte,  
 Tuum sequere *Martinum*  
 Qui dum luctuosum *Gaudium Martini*  
 Germaniæ præbet,  
 Tu Constantiæ (a) ultricibus flammis affatus,  
 ferale Martini Epulum adornasti.  
 Ergo facesse ad Noctuarum tenebras,  
 Nam Thaumaturgi X A V E R I I splendores,  
 Aquilarum oculos ferunt,  
 Anserum feriunt.  
 Hos nuper novus,  
 (b) è Metropolitana D. Viti specula,  
 Archimedes,  
 novo Commentario,  
 velut speculo caustico collectos  
 ita sparsit;  
 ut castis in X A V E R I U M flammis  
 Boëmiam incenderet.  
 Eos Tu denuo fama,  
 in punctum Epitomes collectos, sparge.  
 Et cum Xaveriana luce,  
 animorum calores intende.  
 Ergo adeste  
 Tristi nocte morborum atrati mortales  
 solam vobis exhibuit auroram Oriens,  
 Nunc  
 (a) Exustus Constantiæ Anno 1415. vide Procop.  
 Lupac. (b) Reverendissimus ac Perillustis. D. Joannes  
 de Longa Villa Canon. Pragen.

Nunc Solem habetis in Meridie,  
 XAVERIUM Thaumaturgum in patria.  
 Hinc vestram hauritis ophthalmici lucem,  
 Phthifisci pulmones,  
 Vires Hectici,  
 Cephalalgici, Podalgici, Apoplectici vigorem,  
 Mentem Phrenetici,  
 Vitales motus Epileptici,  
 Sontici, & (a) cachectici (b) Evexiam.  
 Ab hac luce, vestra puerperæ Lucina,  
 Devij per avia sylvarum,  
 inter noctis caligines Luna:  
 Ab his radijs,  
 Inter Vitæ, ac Mortis *dubiam lucem*  
 ferenus multorum dies.  
 stupente Mortis, ac Vitæ,  
 repentinas vices Galeno,  
 Et manè Vespertino crepusculo contiguum.  
 Sed uni præ cæteris radio intendite.  
 Hic in Illustre Slawatarum Rosetum illapsus,  
 Suum in ipsa (c) Rosarum Matre heliotropium  
 sive reperit, sive fecit.  
 Cui ne (d) Solis sui deesset forma,  
 Nomen præcavit.

Nam

(a) Mala Corporis habitudine laborantes (b) Bo-  
 na Corporis constitutio (c) Illustrissima DD. Francisca  
 Comitissa de Slawata, &c. (d) Heliotropium spe-  
 ciem disci Solaris præfert.

Nam homonyma suo FRANCISCO, Francisca  
ut etymon Nominis,  
Sic Virtutis, mutuata videtur à XAVERIO,  
ut heliotropium à Sole.

Sic in omni (a) Itinerum motu,  
Soli suo per Indiam peregrino intenta,  
Nec tam ejus pedissequa, quàm Comes;  
prodigiosum radium excipit.

Nam (b) everso gravissimo lapsu Carpentio,  
ita cum Comite suo XAVERIO cecidit,  
ut heliotropium solet,  
ad occiduum Solem.

At imploratâ mox XAVERII ope,  
unâ cum surgente ad opem Sole suo,  
incolumis erigitur.

Non magis læsa,  
Quàm heliotropium solet,  
dum Caput reclinat cum Sole.

Sic Rosarum Matrem,  
Sic Rosas ipsas eriget XAVERIUS.  
Ergo lætas & Tu sub hoc sidere vices præstolare,  
Vernantissime stirpium Boëmicarum flos,  
ROSA SLAWATINA.

Hanc

(a) Nunquam se itinori committit Illustrissima.  
sinè Icone peregrinantis Xaverij. (b) Resupinato  
curru graviter lapsa Illustrissima, sed absque noxa  
etiam vitrearum fenestrarum, ad S. Xaverij in-  
vocationem.

Hanc dum olim (a) patrius Turbo solo tenus  
dejecit,

propitius Austriaci favonij afflatus erigit,  
à sinistris ultrà casibus immunem,

X A V E R I U S reddet.

Debes id spei,

Tuæ, cui ortum debes radici :

Quæ ut prima,

in æde Oporzanensi Xaverianos collegit  
radios,

Sic eorum Virtutem,

in genitas à se stirpes reflectet.

Ita in Thaumaturgo per Boëmiam Xaverio,  
Rosarum Mater, Rosarum Patrem agnoscet.

Nec inani nostro vaticinio.

Nam (b) *Solin Leone*, Rosarum Pater est.

(a) *Guilielmus Comes Slavvata de fenestra à  
Rebellibus præcipitatur. Anno 1618.* (b) *Mense  
Julio Rosa vigent maxime.*





✠†(s)

# SYLLABUS ELOGIORUM.

## Elogium I.

**I**GNATIUS Cœli Miles è Mundi Milite.  
*Metamorphosis.* fol. 2.

**II.** SOCIETAS JESU IGNATIO Authore  
fundatur. *Genethliacon.* fol. 8.

**III.** SOCIETAS JESU quadruplici classe  
distincta. *Agon.* fol. 11.

**IV.** S. FRANCISCUS XAVERIUS Agoni-  
starum SOCIETATIS JESU Princeps.  
*Apodosis.* fol. 15.

**V.** S. FRANCISCI XAVERIJ Profapia.  
*Genealogia.* fol. 17.

**VI.** XAVERIUS, IGNATIO Parente, DEO  
& SOCIETATI renascitur. *Genesis.* fol. 19.

**VII.** XAVERIJ Indophori somnium *Dra-*  
*ma.* fol. 22.

**VIII.** XAVERIUS à D. Thoma Apostolo  
Prophetico Oraculo prænunciatus. *In-*  
*terpretatio.* fol. 26.


**IX.** XAVERIUS ex Europa, destinatur in  
Asiam. *Diploma.* fol. 29.

- X. XAVERIUS in Indiam solvit *Hodæp-  
ricon.* fol. 32,  
XI. Reliquum XAVERIJ in Indias Iter Pa-  
*ralipomena.* fol. 35.  
XII. XAVERIUS appellit in Indiam. *Vati-  
cinium.* fol. 38.  
XIII. XAVERIUS à Goa, Indiæ Capite  
Apostolicos labores auspicatur. *Strata-  
gema.* fol. 39.  
XIV. XAVERIJ in ora Piscaria labores.  
*Lithoscopia.* fol. 42.  
XV. XAVERIJ per Oram Piscariam Mi-  
racula. *Diploma.* fol. 44.  
XVI. XAVERIUS sopitus, contra impura  
somnia ludibria, ad sanguinem decertat.  
*Mythologia.* fol. 49.  
XVII. XAVERIUS Divi Thomæ Sepul-  
chrum Meliapore invisit. *Digressio.* fol. 52.  
XVIII. XAVERIUS Malacæ pudicitiam  
restituit. *Parallela.* fol. 57.  
XIX. XAVERIUS Victoriā de Acenis  
impetrat. *Parallela.* fol. 60.  
XX. XAVERIUS appellit in Japoniam.  
*Tituli.* 64.

- XXI. XAVERIUS Christi Fidem primus  
Japoniæ infert. *Emblema.* fol. 67.
- XXII. XAVERIUS in Japonia polyglos-  
sus ab heteroglossis auditur, & intelli-  
gitur. *Politicon.* fol. 70.
- XXIII. XAVERIJ prodigiosum in Ele-  
menta Dominium. *Exegesis.* fol. 74.
- XXIV. XAVERIUS in mari Thaumatur-  
gus. *Thalassiarcha.* fol. 78.
- XXV. XAVERIUS Solem jam mersum  
super horizontem reducit, & naufragos  
servat. *Similes.* fol. 82.
- XXVI. XAVERIJ postrema in Sinas ex-  
peditio. *Epilogus.* fol. 85.
- XXVII. XAVERIJ in Sanciano obitus.  
*Documenta.* fol. 90.
- XXVIII. XAVERIUS post obitum in-  
corruptus. *Pollinctura.* fol. 93.
- XXIX. Iconis Crucifixi, & XAVERIJ  
laborantis. *Sympathia.* fol. 97.
- XXX. XAVERIJ stupenda in æde Cor-  
tatenfi prodigia. *Pharus.* fol. 101.
- XXXI. XAVERIUS sævissimam Pestem  
Neapolitanam, & prælagit, & fugat.  
*Paranesis.* fol. 103.
- XXXII.

- XXXII. XAVERIJ beneficio Marcellus  
Mastrillus, & vitæ redditur, & Marty-  
rij laureâ potitur. *Anthologia.* fol. 108.  
XXXIII. XAVERIUS Potami Thaum-  
turgus. *Eucharisticon.* fol. 110.  
XXXIV. XAVERIUS in Regno Boëmiæ  
Thaumaturgus. *Vices.* fol. 114.





# BENEVOLE LECTOR

Ne sequentes vacarent pagellæ, Corollarij instar adjicere visum est Imagines Emblematicas, è Xaveriani nominis Anagrammatismis desumptas, easq; pauculas de plurimis, quas Xaveriano honori devot<sup>9</sup> Cliës,

S. J. Sacerdos, concinnavit.

## I M A G O I.

*D. Xaverius acceptum ex ulnis DEI paræ JESU-  
LUM deosculatur, & ex eo, velut argumentosa ap-  
piè è Flosculo, sugit mel & lac veritatis.*

## X A V E R I U S

### A N A G R A M M A I.

#### SUXI VERA.

**L** Acteus ille Puer, Tibi quem FRANCISCE  
propinat

Virgo, \* *Papilla* sui dicitur esse *Patris*.

Nec Patris tantum, Matris quoq; māmā vocatur,  
Lactavit Matrem scilicet ille suam.

Pupe papilla Patris, castæq; mamilla Parentis,

Quis mihi lac tribuat sugere posse tuum!

Sugite non pueri tantum, juvenesque senesque

Sugite, *Lac* istud dicitur esse *Senum*.

I 3

Suxit

\* *S. Clem. Alex. apud Binet in magnet. amor.*

Suxit X A V E R I U S ; cū Virgo Mater in ulnas  
 Floridulum Puerum lacteolūmque dedit.  
 Ore cui apposito dum dulciter oscula figit ,  
 Formoso plus quā nectar ab ore trahit.  
 Dic : quid suxisti ? S U X I inquit V E R A deditq;  
 Lacteus ille Puer lactea verba loqui.  
 Scilicet ex Ore hoc Oracula fundere discis ,  
 Verborum ex V E R B O gratia tanta venit.  
 Sub lingua FRANCISCE tua Lac Mēlq<sub>3</sub> morantur ;  
 Quā sapiunt, quib<sup>9</sup> hæc Diva Papilla sapit.

## IMAGO II.

*Divus Xaverius Pauperum Pater Coronā mendicabulorum cinctus, suam cuilibet opem impendit, manūque opitulatricem porrigens intento in universos digito, Apostolicum illud repetit: CORONA MEA* Philip 4. v 1.

## X A V E R I U S

### A N A G R A M M A II.

### J U V A S R E X.

E R gōne X A V E R I U S R E X est ? sic ipsa loquuntur  
 Nomina, Rex suavis nomine, re magis est.  
 Crux illi Sceptrum. sed ubi FRANCISCE Corona?  
 Quam spectas, inopum turba Corona mea est.

XAVE-

**X A V E R I I** quicunque voles augere Coronam,  
 Cinge Patrem, & REGIS posce IUVANTIS opē.  
 Auxisti Regnum, dilatastique Coronam,  
 Si thaumaturgum cingis amāsque latus.  
 Hoc regnare illi est, miseros inopēsque juvare,  
 Hæ sunt Regis opes, ferre rogatus opem.

### IMAGO III.


*D. Xaverius contra immanem Badagarum exercitum solo Crucis signo armatus procedit, fugat universos & vincit in hoc signo feliciter, reipsa exercens quod de Leone proverbialiter dixit Salomon c. & v. 30. ad nullius pavebit occursum.*

### X A V E R I U S

#### A N A G R A M M A III.

**R E X I A U S U ; v e l V I S U A R E X .**

**I**Te procul timidi, non est virtutibus aptus,  
 Cui rapit imbellis cor animosque timor.  
*Audendum est aliquid passim proverbia dicunt*  
*Si vis aliquis; si timeas nihil es.*  
*Audaces non sola solet fortuna juvare,*  
*Audaces Virtus, astræque prona juvant.*  
 Aude aliquid genere & generoso sanguine dignū,  
 Si vis monstratus dicier: hic vir hic est.



Sola viros Virtus facit, audentesque coronat,  
 Cordatos adamat Gloria vera viros.  
 Hic Vir hic est X A V I E R, dum barbara castra,  
 Badagas  
 Unus in ignotam compulit ire fugam.  
 Effrœnem REXIT populū, & compescuit A u s u,  
 Nō caderent agni praeda cruenta lupis:  
 Hercule bis major X A V E R I U S audiat orbi,  
 Nam timet ille duos, hunc duo castra timēt.  
 Quin *Constantino* X A V I E R *constantior* hostes  
 Vincit, & *In Signo Hoc* mille trophæa refert.  
 Cor leporum est Badagis, tibi Cor F R A N C I S C E  
 Leonis,  
 At tuus ille *Leo* quis nisi X<sup>o</sup> erat?

## IMAGO IV.

*D. Xaverius mortuos redanimans ad vitam, chi-  
 rographum mortis & nature debitum primâ nomi-  
 nis sui litterâ, Cruce videlicet inductâ delet, & Cau-  
 sarum mortuarum agit Patronum, Ivo novus, A-  
 ctor praeclarus qui nunquam egit actum.*

## X A V E R I U S

### A N A G R A M M A IV.

#### J U S V E R A X.

A *Juvō Jus dictū est (Studiofi advertite Juris)*  
 A *Juvō* sic Ivo nobile nomen habet.  
 At toties nobis vērso *Jus* grammate vis est,  
 Jus quando repetit mors violenta suum.

Hic



Hic nihil Ivo juvat, nulla est exceptio Juris,

Mors Codicem lacerat Justiniane tuum.

X A V E R I U S Jurista novus, qui doctus in ipso

Nomine J U S V E R A X justitiâque fuit.

Huc miseri ! si premant chirographa  
mortis,

Hæc superinductâ diluet ille Cruce.

In Cruce Jus vitæ est ; cruciât cùm debita Fati,

Solvat, & hæc multas auferet una cruces.

Hanc si fortè Crucem quæris, X A V E R I U S offert,

Nominis en monstrat littera prima Crucem.

Quid poterit totum delenda in nomina nomen,

Si tantum illius littera prima potest !

## IMAGO V.

*D. Xaverius supra orbis sphaeram positus, (qualis passim in imaginibus ari incisis, spectatur) quasi orbe utroque major, Cælo caput infert ; ut merito inscripseris : Documenta damus quâ sumus origine.*

## X A V E R I U S

## A N A G R A M M A V.

## V I R A X E U S.

N On unus, sed nec gemin<sup>9</sup>, tibi sufficit orbis,  
Qui gemino pectus latius orbe geris.

Ergo super teretis sphaerâ statuendus es orbis,

Vix tellus pedibus sufficit ista tuis.

*Cœlestis* FRANCISCE Vir es, cœlestis origo.

Est tua; terrenum nil, nisi corpus habes.

Nec quod habes corpus, terrenum iudice Cœlo

Dixero, terrenæ nil cui labis inest.

Semideos quondam sibi ~~g~~ula fabula finxit,

Semideis XAVIER tu mihi major eris.

\* Barbar<sup>9</sup> absētit Malabárq; Mogórq; Japónq; ,

Qui te thure novo, si patiare, colent.

Thure sed everso: Quis ego? *non sum* DEUS,  
inquis;

At contrà: DEUS es, Tu DEUS; Indus ait.

Tūne homo sis, instat, *quem mira potentia fecit*

*Majorem Indiacis, Japonicisque dijs?*

Sum (XAVIER reclamatione) homo, nec nomine  
tanto

Dignus homo, vilis sponte vocabor *humus*.

Non

\* *Historiam refert Nirembergius de arte voluntatis l. 6. his verbis: Invenio mandatum scriptis extranei Auctoris, qui ab oculatis testibus fatetur se accepisse, Japonios Bonzios coëgisse comitia, ut Xaverium consecrarent Deum, arâ sacrâsque colendū, misissēque ad illum nuncios, per quos divinos deferrent honores. Respondit humillimus Pater: indignus sum, quod Creatura sim, & vultis Creatorē esse. Nec barbaris visa fuit humilitas indigna DEO. nō potuit obstare Xaveri<sup>9</sup>, quin procumbentes in genua, pedes ej<sup>9</sup> adorarent osculis. sic quosdā consecrat humilitas, usq; ad sinceram simulationem Deitatis. Hac ille.*

*Non homo, non hūnus es, Divūm sed honorib⁹ apt⁹,  
Nate DEO Xavier, formāque digna DEO;  
Sic replicat, triplicatq; Japō. Certatur utrimq;  
Iste Deum affirmat, se negat ille Deum.  
Lite incompositā medium teneamus amici;  
Nō homo, non Deus est; ergō quid? \* Angel⁹  
est.*

## IMAGO V.

*D. Xaverius cœlica torrente voluptatis potatus  
exclamat SATIS EST! simulque copiam illam re-  
dundantium deliciarum in clientes suos derivat.  
ut proinde Cœlum in aureū imbrem solutum ( quod  
de Jove narrat fabula ) speciosum sit aurea liberali-  
tatis Xaveriana symbolum, de qua dixeris: nun-  
quam satis.*

## XAVERIUS

### ANAGRAMMA VI.

#### AXE RIVUS.

**V**ertit in auratum se quondā Jupiter imbrē,  
Phæbeis fidibus si sit habenda fides.  
**V**ersus in aurifluum XAVIER dicend⁹ es imbrē,  
Si tua ferverint nomina versa fidem.  
**R**ivus ab axe novus, geminū fœcundet ut orbē,  
Gemmatōque solum rore salūmque riget.


Qua-

\* *Ite Angeli veloces* Isaia 18. v. 2. & *Malach. 2.  
v. 7. Labia Sacerdotis custodient scientiam, quia  
Angelus Domini exercituum est.*

Qualis at hic RIVUS quæ prodig<sup>9</sup> impluit æther,  
*Eridanum* dicent Astrologi esse suum.  
 Lacteus an rursus Junonis ab ubere RIVUS  
 Defluit, & monstrat lacteam ad astra viam?  
 Rive nove ah XAVIER vel parvâ deplue guttâ,  
 Sat fuerit votis parvula gutta meis!  
 Sit Pharijs Nilus, rutilus sit Tagus Iberis,  
 Tu mihi Tagus eris, Tu mihi Nilus eris,  
 Ah in me rue RIVE! riga! cœlique favores  
 Deriva! merget gutta cor una meum!

## IMAGO VII.

*D. Xaverius in Sanciano, Sinarum Insula, tentans Thesaurum illum non unâ margaritâ, seu animâ, sed 70. amplius millionibus pretiosum, (ultra enim 70. milliones hominum Sinense Regnum claudit) ex perditionis æternæ periculo eruere, optime equiparabitur Evangelico Operario (Matth. 13. v. 44.) qui præ gaudio vadit & vendit universa quæ habet, & emit agrum illum. Verùm dum absconditum hunc thesaurum eruere parat Xaverius, fossam sibi fodit ac sepulchrum. dignus tamen idcirco cœlorum potius quàm Sinarum Regno, quòd vita ipsius impendio, thesaurum eruere, & in Ecclesiæ gazophylacium inferre sategerit, itaque sat egerit.*



## XAVERIUS

### ANAGRAMMA VII.

#### VIX ERUAS.

**D**IC SATIS EST XA V I E R. *Non plus inscribim<sup>9</sup>  
ultra,*  
Sudatum fatis est, frigoris ah fatis est.  
**Q**uis labor iste novus ! fessum quæ fossa fatigat ?  
*Erneris Sinicæ vix regionis opes.*  
**H**æret visceribus Thesaurus humatus in imis ,  
Vix ullius adhuc effodiendus ope.  
*Sic visum Superis. Satis est voluisse, facultas  
Si desit, tibi quam fata deesse jubent.*  
**P**ortâsti Indiacæ pondusque æstusque Diei ,  
Vesper adest, ah sunt jam duo lustra, SAT EST !  
**Q**uantus pro denis veniet denarius annis ,  
Millio XA V E R I O non fatis unus erit.  
**E**rgo veni & finem decumano impone labori ,  
Et quod dixisti, jam quoq; dic : SATIS EST.

### IMAGO VIII.

**D.** *Xaverius post mortem incorruptus, Castello  
inexpugnabili componatur. Cinxere Castrum hoc  
55. annorum obsidione nequissimi tres hostes, Mun-  
dius caro demon, & nequidquam profecere. Proje-  
cerit globum suum mundus, Cuniculos egerit damo,  
ignes*

*ignes injecerit caro ; stetit Arx Virgo , semper invi-  
cta , stabitque morte ipsâ superior. Inscriserat Sym-  
bolica Arcis sue in rupe à ventis frustra impugnata  
Alphonfus II. Carettus Marchio Savona lemma :  
Fortes probantur impetu , & gentilitia columna  
sua Pyrrhus Columna Marchio Mortara : Neque  
pluviâ neque vento ; Xaverio ( qui ab Arce no-  
men accepit ) veriùs ego adjecerim illud ipsum ex  
vatidico nomine desuntum lemma : Vives !*

## XAVERIUS

### ANAGRAMMA VIII.

#### ARX VIVES !

**C**ASTUM XAVERII, *Castelli* nomine, Cor-  
pus

Et licet, & parili voce vocare libet.

*Arx* cœlo suppar, & inexpugnabile *Castrum*,

Quod nullo potuit Marte vel arte capi.

*Tempus* edax nequijt mordace laceffere dente,

Constitit & prædam temporis ipsa tulit.

Cùmque *Globum* dextrâ *Mundus* jactaret in au-  
ras ;

Non cecidit dextrùm , fulmen inane fuit.

*Invidiam* videas, tortos jaculetur ut angues,

Dèque *Colubrinis* mœnia firma petat !

Invi-

Invidia ipsa sibi tormentum, atque horrida  
tortrix,

Authoris repetunt spicula missa caput.

Insultet Phlegethon, totóque insurgat averno,

*Arc* tamen assultus non timet illa tuos.

Inconcussa manet, contráque minatur & arcet

Versutosque dolos terrificasque *minas*.

Pro specula Divin<sup>9</sup> Amor circú omnia spectat,

Infringitque ausus cæcæ Cupido tuos.

ARX VIVES! VIVES XAVIER cui militat  
æther,

Et procul hostiles arcet ab Arce manus.

Omen habe Lector, quod Amor superaddidit

Arci,

Lætúmque in primo limine lemma dedit:

*Non te corrumpet, quamvis cor rumpat avernus,*

VIVES! *nec poteris, cùm moriere, mori.*

F I N I S.

A. M. D.


ET

S. X A V E R I I

Gloriam.



FA-



# FACULTAS R. P. PROVINCIALIS.

**E**Go infrà scriptus Societatis JESU  
per Provinciam Bohemiæ Præpositus  
Provincialis, potestate mihi ab A. R. P. N.  
Generali Joanne Paulo Oliva ad id factâ, in  
lucem dari permitto Elogia de S. FRAN-  
CISCO XAVERIO Indiarum Apostolo, Au-  
thore P. Carolo Libertino SOCIETATIS JE-  
SU, ab aliquot ejusdem SOCIETATIS Cen-  
soribus probata. In cujus rei fidem has lit-  
teras manu meâ subscriptas & sigillo officij  
munitas dedi. Pragæ 1. Januarij 1673.



*Simon Schürer.*

APPROBATIO ORDINARIJ.  
Imprimatur.

Ex Arce Pragensi 26. Martij 1673.

*Thomas à Czechorod Officialis.*







